

## Universitätsbibliothek Paderborn

**R. P. Theophili Raynavdi, Ex Soc. Iesv. Erotemata De  
Malis Ac Bonis Libris, Deqve Ivsta Avt Invsta, eorumdem  
confixione**

**Raynaud, Théophile**

**Lvgdvni, 1653**

VII. An obscoeni libri, eliminandi?

**urn:nbn:de:hbz:466:1-11141**

dum, vel fibrarum motus, aut fortium, secundum ea signa, quæ docuerunt idem Dæmones obseruari ab iis, quibus artis huius scientiam tradiderunt: à quibus omnibus, is qui homo Dei est, & in portione Dei numeratur, penitus esse debet alienus, nec in iis aliquid habere commune; quæ occultè machinis Dæmones operantur, ne forte rursus per hæc Dæmonibus societur, atque eorum spiritu, & virtute repleatur, & ad idolorum cultum denuò reparetur; hæc enim omnia religio nostra diuina, & cœlestis abiurat.] Et inferius adducta ventiloquæ de Paulo testificatione *Acto. 16.* [Si Paulus testimonium sibi eum dare non patitur, sed dolet super hoc; quanto magis dolere debemus, si quando decipi videmus animas ab iis qui velut diuino alicui spiritui pythonis, aut ventriloquo, aut diuino, aut augari, vel aliis, quibuslibet huiusmodi Dæmonibus credunt? Propter hoc ergo, non erit, (inquit,) auguratio in Jacob, neque diuinatio in Israël. Sed quid iis additur? In tempore, (inquit,) dicetur Jacob, & Israël, quod perficiet Deus. Quid est in tempore dicetur? Cùm oportet, & cùm expedit, hoc est, in tempore. Si ergo expedit prænoscere nos futura, dicentur à Deo per Prophetam Dei, per Spiritum sanctum. Si vero non dicuntur, neque denunciantur, scito quia non nobis expedit ventura prænoscere. Quod si idcirco non dicuntur nobis, quia nobis ea scire non expedit, qui diuersis artibus, & Dæmonum invocationibus gestiunt futura prænoscere, nihil aliud faciunt, nisi quod cupiunt ea discere, quæ sibi scire non expedit.] Tandem *hom. 5. in Iosue, ad finem.* [Est & illud opprobrium Ægypti, quod si neglexeris, etiam post Iordanis transitum, & post Baptismi secundam circumcisioνem vetustæ consuetudinis inustione suggeritur; obseruare auguria, requirere stellarum cursus, & euentus ex iis futurorum timari, seruare somnia, cæterisque huiusmodi superstitionibus implicari. Idolatriæ namque mater est Ægyptus, ex qua certum huiusmodi opprobria pullulate, quæ si transito iam Jordane suscepéris, & iis te rursus laqueis illigaueris, tecum sine dubio opprobria Ægypti trahis. Sed si quando te talis curiositas interpellat, & de corde tuo huiusmodi hostis erumpit, dic ei; quia Iesum ducem sequor, in cuius potestate sunt, quæ futura sunt. Quid mihi scire, quæ futura sunt? Quæcumque ille vult, hæc futura sunt. Idem ergo ut in nobis verè secunda circumcisio compleatur, per quam vetera Ægypti opprobria deponamus, ab his omnibus segregati prorsus esse debemus.]

## EROTEMA VII.

## Num obsceni libri eliminandi?

**O**MNÌD & configendi, & exterminādi sunt obsceni libri; hoc ipsi Gentiles, hoc Christiani iam olim edixerunt: tametsi repellulat semper hæc pestis, & nullum est sæculum, imò vix annus, quo noua censuræ materia ab ingeniis impuris, sicutore Satana, non subministretur. Dixi de iustissima horum librorum suffixione, sat multa *lib. 6. de virtut. num. 159. & num. 202.* quia tamen ferax est huiusmodi sentinarum regio, in qua hæc chartis committo, vt iugi

iugi à multis annis experhendo, & expostular Coluenerius ad lib.2. *Cantipratani cap.49.* contestans non minùs ab his libris, quām ab hæreticis imminere damnum, non erit inutile, hīc quoque de hoc argumento pauca attexere ad ibi dicta, & ad alia, quæ habent Mantuanus in opere metrico aduersus scriptores impudicos, & Cardanus lib.4. *de sapientia*, addicens hos libros flaminis, ac Catharinus *opusc. in malos libros*, necnon Laurentius Gambara *lib. in obscenos Poetas*, cui Antonij Possevini lucubratio est supposita. Nolo dimissum Georgium Fabricium, tametsi Lutheranum, qui grauiter diffrerit de his libris exterminandis in *prafat. ad suam Poetarum Christianorum collectionem*.

*Platonis, & aliorum Ethnicorum concitatio in obscenos libros.*

65. Illudque in primis statuendum, ex grauissima Platonis disputatione lib.10. *de Repub.* (qua qui poëtices foetus possint in benè constituta Republica admitti, qui excludi omnino debeant, latè expendit,) eam poëticam scriptionem, (& idem est de quacumque alia,) è Repub. excludi debere, quæ incendendis cupiditatibus venereis sit accommodata, eo quod si Musæ voluptuosæ admittantur in Rempublicam, regnatura sit in ciuitate voluptas, lege, & eo quod ad communem utilitatem optimum præstantissimumque semper iudicatum est, (ratione nimirum,) penitus exturbatis.] Et paulo antè, [Poësis hæc in nobis illa nutrit, (ea nimirum irrigando,) quæ summa ariditate potius erant extenuanda, & efficiendo, vt illa in nobis imperent, quæ patere potius debuerant, vt meliores, & feliciorcs ex deterioribus, & infelicioribus evaderemus.] Nimirum quicquid Lipsius *epistola ad Pithœum*, de suo inter hæc legenda rigore, non frigore, scribat; liber obscenus eas cogitationes legentis animo insigit, quæ turpium motuum sint seminarium, vnde cùm homo plus iusto ex naturæ depravatione ferueat, & pronus sit ad malam, igni oleum addit, qui lectio impuri scriptoris, suggesterit libidini fomentum, & appetitum rebellantem efferat magis ac magis.

66. Aliis præter Platonem Ethnicis, librorum obscenitas exosa fuit. Aristotel. 7. *polit. cap. ult.* in hos libros concitatur. Et in *Poëtica cap.1.* Hermogenem, & Nicocharem, ob libros obscenos fugillat. Lacedæmonios impuris libris interdixisse, scribit Valerius lib.6. cap.3. Idem interdictum inter Charondæ leges habetur apud Diodorum lib.12. Extat etiam lex Persarum de eadem re, apud Herodotum lib.1. Quid Romani? Patet ex Ouidij damnatione. Nam tamen reuera pœnas dedit infamionis Principis; tamen prætenta est scriptionis impunitas, vt ipse de se Naso faretur, qui lib.2. *de remed.* iniurias eloquitur, cauendum esse ab huiusmodi lectione. Eius esse *Priapeia* perperam Virgilio Parthenio inscripta, confirmat Politianus lib. *miscellan. cap.59.* ductus Senecæ autoritate, qui vnum eius operis versiculum allegauit Nasonis nomine. Quanquam Floridus Sabinus lib.1. *subsec. c.6.* spurcum illud poëma contendit, varios habere autores. Cùm enim pro æui illius corruptela, omnes ferè Poëtæ aliquid turpi illi numini inscriberent, inde exitit ea carminum farrago, non à solo Ouidio, qui tamen si vel ex parte tam lutulenti carminis fuit autor, iure damnatus

damnatus est. Martialis octauum librum ad Cæsarem transmissurus, exemplo Nasonis didicit, puras chartas eò esse inferendas, ut ipsemet illius libri initio testatur. Sensus Iuliani Apostatae de impurorum librorum lectione, petere licet ex prolixo fragmento primo nuper edito, vbi tametsi Sacerdotem informat; tamen ratio interdicti horum librorum, est vniuersalis: verat enim sacerdoti Ethnico libros amatorios, quia [ nescio quo pacto hominum ex libro afficiuntur animi, ac paulatim cupiditates incitantur, ex quibus demum flatu ingens accenditur, cui quidem longè ante obuiam est eundum.] Surrena Dux Parthorum, inuenito inter Crassi abs se cæsi, spolia obsceno opere Milesiae Aristidis, omni infami nota atque opprobrio illum respersit, eam ab causam.

*Christianorum in obscenos libros severitas.*

Quod si Ethnici spurcos huiusmodi libros tanto studio sunt aversati, mirum videri non poterit, Christianos Doctores in hanc animorum pestem, perpetuò egisse fortissimè. Appendo aliquos.

67.

S. Athanasius saepe exprobrat Arrianis, imputissimam impurissimi Arrij scriptiōnem, cui titulum fecerat, *Thalia*. Is libér, cuiusmodi fuerit, & quis *Sotades*, quem eo opere Arrius expressit, infrà attingant.

S. Basilus Orat. de libris Gentilium. [ Ut à Poëtarum, ( inquit, ) disciplinis, quod varij sint in dicendo, incipiam, non omnibus quæ dicunt mentem adhibendam, sed eis tantum quæ bonorum hominum, facta dictave nobis enarrauerunt; illaque imitari, & omnibus modis similes eis esse conari censeo. Quando verò ad infames & nefarios homines veniant, hæc omnino vitare, his aures obstruere, non minus quam Ulyssem ad cantus Syrenarum fecisse, dicunt, oportebit. Nam prauis assuescere sermonibus, via quædam est ad rem ipsam. Ideò omni custodia animi caendum est, ne per sermonis voluptatem deliniti, prauum aliquid simul assumamus; veluti qui venena cum melle concinnant, atque occultant. Non itaque Poëtas laudamus contumeliosos, non cauillantes, aut scommata iactantes, non amantes, vel ebrios, non qui in cibis, & mensurarum lautitiis, seu cantibus obscenis felicitatem ponunt.]

S. Hieronymus epist. 14. has esse ait siliquas porcorum, quies filius prodigus ventrem non satiauit, sed infersit. Et epist. 127. mansione 13. hæc esse ait, sepulchra concupiscentia, ad quæ post virulentias Ægyptiorum, Domini igne torquemur, & efficimur sepulchra dealbata, foris speciosa, & intus plena omni spurcitâ.

68.

S. Augustinus 1. Confess. cap. 16. hoc esse ait flumen Tartareum, & verbis uno se dignis, contra hanc turpitudinem, tonat.

S. Paulinus, qua solet pietate & florulentia, in rem præsentem differens epist. 38. hæc esse ait Sirenum carmina, audientibus exitialia. [ Perniciosam, ( inquit, ) istam inanum dulcedipem literarum, quasi illos patriæ oblitteratores, de baccarum suavitate Lotophagos, vt sirenatum carmina, blandimentorum nocentium cantus euita.] Et mox. [ Nam & voluptatum pestifera dulcedo, patriæ nobis obliuionem facit, cum homini Deum, qui est patria omnium communis, oblitterat; & illecebræ cupiditatum, illam sirenarum fabu-

F

lam

lam veritate cladis imitantur. Nam quod illæ Sirenæ fuisse fingantur; id vere sunt illecebræ cupiditatum, & blandimenta vitiorum; habent enim in specie lenocinium, in gustu venenum; quorum usus in criminis, pretium in morte numerantur. Has oportet ultra Vlyssis astutiam cauti, non auribus tantum, sed & oculis obseratis, & animo quasi nauigio præteruolante fugiamus, ne sollicitati delectatione lethifera, in criminum laxa rapiamur, & scopulo mortis affixi, naufragium salutis obeamus.]

69.

Isidorus Pelus. epist. ad Thaleleum Monachum. [ Ipsam quoque fecunditatis, & obscœnitatis lectionem fuge: (nam ea miram ad aperienda vulnera iam cicatrice obducta vim habet;) ne alioqui vehementiore cum impetu spiritus improbus reuertatur, ac deteriorem & perniciosorem tibi priore ignorantia cladem inferat.]

S. Cyrillus lib. 3. de ador. in fine, has statuit esse pennis vpparæ, luto semper ac sordibus pastæ; & quæ infelicitas maneat Christianum, lutosis hisce studiis intentum, sic aperit tractans visionem amphoræ, idest, iniquitatis, quam mulieres duæ vpparum specie pennatæ, affectabantur. [ Nonnulli non crediderunt Euangeliu Christi, neque hanc ex peccato redemptionem amplectentes, eodem onere premuntur, suis ipsorum id cetericibus accersentes ob mentis infirmitatem, ac mollitatem, animaque effeminacionem. Hi omni spiritu malo circumferuntur, & in quodvis immunditia genus vehementissime propulsi, omne suum studium ad malum conferunt. Studij vero istius, atque diligentiae signum est, ala, quam etiam vpparæ esse aiunt. Vppa vero genus est avis, quæ semper cœnosissimis, fecidissimisque locis aduolitat, & ex cœno, atque immunditia sibi vietum parat. Quotquot itaque omne suum studium adhibent ad immundiciem, hi merito alas vpparæ habere dicuntur. Mulierib[us] etiam specie atque effeminati sunt. Denique eandem cum regnante in ipsis peccato, formam præ se ferunt. Quidammodum enim uniformes Christo facti sunt per sanctificationem, qui sub ipso, & cum ipso sunt: eadem planè ratione, iniquitatis formam ac speciem referunt, qui hanc respuerunt. Deferunt autem mensuram in Babylonem, atque illic domum querunt, quod quidem, (vt arbitror,) figuratè significatur, quod qui ea, quæ Christi sunt, amplecti noluerit, & peccati obstructionem amaret, ad solam immundiciem studia sua omnia conferens, eiicietur quidem è sancta Hierusalem, hoc est, primogenitorum sancta Matre, pulchraque illa cœlesti ciuitate; & tantum pro grauiissimo pressus peccati pondere, cum Babylonis habitabit, hoc est, portionem ac sortem habebit cum impiis idololatriis; nihil enim ab idololatriis differunt, qui redemptionem per Christum impiè reiecerunt.]

S. Isidorus lib. 3. de summo bono, cap. 13. studiosam lectionem impurorum librorum, æquat cum immolatione facta Daemonibus, quod inde anima exciteretur ad incentiu[m] libidinum, & Satanæ hostia cadat.

Rupertus, exponens plagas diuinitus illatas Ægyptiis, ad Exodi cap. 8. imitatus Origenem ibi homil. 4. & August. ser. 87. de tempor. carmina obscœna Poëtarum, ait esse ranas Ægyptias; indéque omne virus nequitiae exortum queritur. Et alibi, hæc vnam esse ait de tribus ranis egressis ex ore bestiæ Apoc. 16. Nimirum spurci Poëtæ, dulcibus mendaciis, vt Minutius iam olim post Senecam lib. de vita beata cap. 26. expostulauit, efficerunt ut peccandi frænum, nempe vercundia,

verecundia, pessum iret, & homo bruteficeret. In summa omnes Christiani DD. hanc esse animorum pestem certissimam, semper sunt contestati, & annuit inter sectarios, à Nua *dissert. 6.*

## Damna à lectione obscenorum.

Ratio quasi à priori, cur horum librorum lectio omni iure vetetur, superius iacta est ex Platone, duciturque ex naturæ corruptæ inflammatione acriore per istiusmodi ignitabulum, quo fornax Babylonica, cuius nostrum conserta succenditar, in exitium non scriptoris modò, qui librum composuit, sed & lectoris, qui iisdem impuris ignibus corripitur, per hoc quasi colloquium mutum cum scriptore: ut propterea creditus Prosper *lib. 3. de vita contempl. cap. 6.* agens de concupiscentiis turpibus, & earum concitatione ex colloquiis, quorum pàrem esse vult, ac lectionis rationem dicat: [ Hæc & his similia colloquentes, suggestunt concupiscentiæ suæ materiam. Hæc tamen idèd concupiscentiæ, quia aut loquuntur libenter, aut audiunt: qui nisi concupiscentiæ morbo corrupti essent, numquam vel loquerentur talia, vel auerent, quia non eos ista corrumpunt, sed corruptos ostendunt. Ac ne me ista veraciter arguentem, quisquam iudicet argendum, nouerit propter hoc fortè ab antiquis fuisse decretum, ne qui adolescentium, legerent Geneseos librum, & partem pariter Ezechielis Prophetæ, vel Canticum Cantorum, & cætera talia, in quibus generationes, & actus, & nomina quarundam scripta sunt mulierum; ] & mox. [ Sed nè fortè hæc spiritualia secundum carnem adhuc carnales acciperent, nec virtutes cogitarent, quas mulieres illæ significant, sed ipsas cogitando carnaliter deperirent, consulto, Iuniores legere sunt illa prohibiti, quæ sicut spiritualiter accepta viuiscent, ita carnaliter intelligentibus, ipsa carnis intelligentia occasions carnis concupiscentiæ subministrat. Eorum quisque nomina frequenter habet in ore, quorum desideria vulnerato gestat in corde; aut tarpitudinem quam exercere verecundatur in facto, tenet in animo, reus non humano iudicio, sed diuino. ]

Quod ait ad cauendam incensionem camini nobis interni, vetitum esse Hebreis iunioribus legere quædam capita Ezechielis, & Canticum Cantorum, & librum Geneseos; notatum quoque est à S. Hieronymo *in proæmio ad suos in Ezechielem commentarios*, & *epistola ad Paulinum de libris sacris*; quibus locis negat, eum qui annos triginta non impleset, libros illos legere permisum. Sicque intelligendum est, quod Nazienz. *in Apologetico* ait, post 25. annum, concessam in virtutis præmium, iis qui benè se gessissent, eam lectionem. Atqui, ut benè argumentatur Petrus Hoëdus *lib. 1. Anteroticorum cap. 65.* si verabantur olim in populo carneo, ad certam usque æratem, sacri quidam libri, idonei commouere improuidos, quanto iustius est, spurcos libros, qui eidem impuro igni naphtham, & fomitem omnis generis subministrant, velle ab omni ætate eliminatos? Hinc verò efficitur, autorem spurci libri non modò grauissimè sibi nocere cùm scribit, sed aliis quoque nocere pergere, etiam cùm quiescit; imò cùm iam illum pœnitent conscripti libri: vulgatur enim nihilominus, & teritur omnium manibus liber, etiam eorum, quos autor nunquam yiderit, aut audierit. Quin etiam post autoris mortem, & vi-

70.

71.

tam sancte licet conclusam , prorogatur damnum , pergitque homo forte iam sanctus & cœlo illatus , esse organum Satanæ , & fieri animabus in ruinam .

72.

Itaque Petrus Blesensis tract. de confessione Sacram sub medium , intrepidè Magistrum impunitatis ex hoc nominatim , hic æquè valido capite , virget , quod aliis non viuis modò , sed etiam post mortem , sit nociturus . [ Tu , ( inquit , ) qui pro tuo proprio , & speciali peccato , tam grauia passurus es , quam grauiora pro multorum peccatis expectas , quorum innocentiam argumentosa libidinis astutia subuertisti . Aliqui eorum fortè iam decesserunt , & in inferno positi sunt , vbi mors depascit eos ; vbi in fornace gehennalis incendij sulphurea , infelices , more feruentium & liquefcentium metallorum igne inextinguibili cruciantur . Tu verò totius flamma concupiscentiar carnalis ebulliens , contemnis terribilia Dei iudicia ; nec tormenta illorum , nec imminentem tibi diem tuæ damnationis attendis . ] Et mox . [ Ad cumulum tuæ perditionis accedit , quod cum factus sis Princeps Sodomorum , & Gomorrhae , immunditia tuæ discipuli post te sedebunt in cathedra postilentia , serpenteque pestis cancerosa in multos , & veniet super te sanguis omnis eorum , quos corrupisti sanguine , opere , vel exemplo . Sanè ideo irremissibilis fuit culpa Diaboli , & inuenta est iniqitas eius ad odium , quia in malitia , quam nullo suggerente commisit , fuit subuersio & ruina multotum . Quis æstimare sufficit , quam execrabilis , & damnabilis sit apud Deum & homines Herodiana crudelitas , quæ pueros occidit ; atque malitia Pharaonis , qui submersit parvulos Hebreorum ? Et illi quidem , non animarum , sed corporum homicidae fuerunt . Quanto igitur detestabilius est , eorum non dicam homicidium , sed parricidium , qui tot innocentum animas occiderunt ? Proculdubio , quanto est excellentior anima , corpore , tanto infeliores sunt Pharaone , hi proditores , & damnabiliores Herode . Putas quod dissimulando transeat , & non requirat Deus de manu tua , quod in concupiscentiis , & immunditiis tuis nobilissima eius periit creatura ? ] Accommodentur ista ad ruinam aliorum per lectionem libri , siue superstite , siue demortuo autore : quandoquidem , ( vt dicebam , ) autor etiamsi defunctus , adhuc aliis nocet opus suum .

*Quatenus spuri scriptoris defuncti , cruciatus crescant ,  
cum danno superstibibus irrogato.*

73.

Infert porro inde Gerso tract. contra Romantium à Rosa , impurum scriptorem , si damnetur , nouis subinde cruciatuum accessionibus in Tartato cumulari , vel si in Purgatorio detineatur , protrahi diutiùs eius supplicium ob noua damnata exorientia lectoribus . Videtur id ipsum ante Gersonem dixisse S. Basilius lib. de vera virginit. tractans quæ sint apud Apostolum peccata præcedentia , & subsequentia iudicium , in secunda explicatione , quam his verbis concipit . [ Sicut Sanctum atque admirabilem Paulum , dum adhuc esset in corpore , alia quidem præcesserunt opera : cum plurimi ex his , qui propter doctrinam , & conuersationem eius perfecti euasere , in æternam illam vitam præcedentes , sudorum præmia , quos pro illis pertulit , apud iustum iudicem Deum illi paucaverunt ; alia verò solutum carnis vinculis , & iam cum Christo regnante ,

ysque

usque ad hanc diem consequuntur, eorum scilicet, qui per eum in sacris Epistolarum eius monitis, se ad virtutem exercentes, laudes semper, ac præmia præclaro illi duci, & præceptorí optimo, hinc transmitunt: sic econtra, alia quidem præcedunt peccata eorum, qui pessimis sermonibus, & operibus læsi atque impediti à virtutis tramite, in infernum præcessere, supplicia suæ damnationis autoribus illic paratur; alia verò etiam sequuntur, eorum scilicet, qui post ipsorum mortem, per summam nequitiam, & exempla pessima, quæ mundo reliquere, dum ea imitari pergunta, maximè læduntur: nam sicut hodie quoque, Beatus Daud ad veram religionem, & ad Dei cultum, prouidentiæque agnitionem mundo perutilis est, & qui propter illum in religione proficiunt, hinc iam ex recte factis suis consequentes ei transmittunt laudum voces: ita & Marcion, & reliqui hæreticorum dogmatum duces, quia per eam peruersitatem doctrinæ, quam mundo inuexere, maximè nocent; cuncti qui salutis suæ damna per eos in hac vita perceperunt, autores perditionis suæ, & si dudum vitâ functos, atrocioribus illic suppliciis tradunt. Si enim qui scandalizauerit vnum ex pusillis huiusmodi, morte dignus iudicatur; profectò qui tam multos per vitam reprobavit, quot pernicioſorum operum mundo exempla reliquerit, aut in animarum perniciem falsa dogmata ingesserit, scandalizat; post mortem quoque, omnium qui sua causa pereunt, dignissimè ac iustissimè mortis reus habebitur; per singulos eorum, qui sui causa hīc seu vulnerantur, seu moriuntur, autore etiam vulnera mortēisque suscipiente. Porro si iuxta hunc sensum, alij præcedunt actus, aliique subsequuntur; & sicut qui ex nequitia sequuntur, maiori supplicio huiusc perditionis autorem per singulos eorum qui pernicioſa vel doctrina, vel vita pereunt, tradunt; qui verò à virtute subsequuntur, maioribus, & dignioribus præmiis per singulos eorum, qui inde salutis emolumenta quæſierunt, & à sceleribus conuersi sunt, huiusmodi magistrum donant: & virgo igitur habet in alterutram virtutis, viatorūque partem, actus quosdam, partim præcedentes, partim subsequentes.]

En clarè expressam à S. Basilio, Gersonis sententiam propositam, quæ est etiam Gabrielis lect. 56. in Canonem, litera X. & Ioannis Nider lib. 2. de reform. cap. 16. Fauet Epiphanius sic ad Hieronymum scribens, de malis scriptoribus. [Non contenti perditione sua, volunt plures mortis habere participes; quasi multitudo peccantium, scelus minuat, & non numerositate lignorum, maior gehennæ flamma succrescat.]

Est tamen ea sententia accipienda cum grano salis. Certum quippe est, ne quaquam inferri damnatis noua damna stabilia, eis continuantan, vel etiam crescentem, ab eorum ad inferos detruſione, damnositatē libri impuri, aliterve noxij: sed quicquid ex autorum illorum operibus, nequitiae illitum est ipsis autoribus, castigatur repensa à primo damnationis momento suppliciorum acerbitate, si sit sermo de pena stabili, nec deinceps varianda. Certum præterea esse debet, animam non detineri diutiū in Purgatorio, propter noua damnata aliis aduenientia, ex iis quæ homo gessit scriptive, dum viuerer. Qua etiam ratione in Heteroclitis spiritualibus circa Purgatorium sect. 2. p. 2. ostensum est, neminem ob damnum tertij persenerans ex dilata per hæredes restitutione, diutiū retineri in Purgatorio, contra Petrum Soto lect. 3. de Purgat. cui in speciem fauet narratio apud Cantipratananum lib. 2. Ap. 74.

*cap. 23. num. 27. & reuelatio apud S. Brigitam lib. 6. renelat. cap. 85. quæ loco allegato ad legitimum sensum traximus cum Tyrao, Peltano, Bellatimino, Suare, Valentia, Coluenerio, ibi adductis. Quamvis autem hæc ita se habent; tamen sicut in Beatis præter statam, & inuariata gloriae mensuram ab initio collatam, admittuntur accessiones quædam accidentariae, certis occasionibus aduenientes Beato, & raptim dilabentes, vt intelligitur ex gaudio quod dicitur esse in cœlis, super uno peccatore pœnitentiam agente: ita facile intelligitur, damnatos ultra statam mensuram cruciatum ab initio illatam, subinde accipere auctoraria quædam cruciatum, fluxa, & transeuntia, eo quod eorum libri, qui supersunt, pergent nocere: & v. g. aliqui subinde eorum occasione damnentur, siue que locij auctorum prius damnatorum. Societas quippe damnatorum, acrit tormentorum acerbitate, vt S. Chrysost. expedit in *Psal. 49. ad illud, Innocame in die tribulationis;* & hom. 25. in *ad Romanos, initio partis moralis.* Ad eum ergo accessum nouorum subinde damnatorum, occasione libri impuri; vel ad patefactionem identidem factam malorum quæ liber à damnato conscriptus mundo infert, accedit transeunter aliquid noui angoris, ultra statam, ac stabilem mensuram supplicij, repensam à damnationis initio. Et hoc sensu, dictum Gersonis de noua subinde pœna auctoris damnati, ob progressionem nocumentorum libri impuri ab eo editi, trahitur ad sensum probabilem, quem tradit Altissiod. lib. 4. cap. de suffragiis pro damnatis, ad 4. quoddam argumentum. Nec est quod vetet, proportionale quid existimare de animabus Purgatorij, quamdiu ibi harent, ob non deterrum plenè reatum peccatorum: quamvis verum sit, non detineri ibi diutius, ob noua mali libri nocimenta, si reatus ex autorum culpa residuus, sit planè abrasus.*

*Qui serò sapuerunt, & libros suos obscœnos perdiderunt,  
& qui contrà.*

75.

Hæc considerantes plerique librorum obscœnorum olim scriptores, laudabili mutatione sapientes facti, eos exterminari fategerunt. quod factum est ab Aenea Syluio, cum Pontifex Pius II. est renunciatus. Factum item à Cathatino, vt ipse de se testatur, lib. de libris noxiis eliminandis, vbi profiteretur, iuuenilia sua, tametsi à Bibliopolis experita, ingentis lucri spe facta, renuisse concedere. Imò maluisse flammis dedere, quam se simul cum illis aliquando æternis ignibus tradere concremandum. Homo Dei Cæsar de Bus, vt est in eius actis apud Iacobum Marcellum lib. 1. cap. 8. & apud Iacobum Buniensis lib. 1. de vita eiusdem cœci oculati, cap. 6. ab incensione iuuenilium eroticarum scriptiorum, suam ad Deū conuersionem est auspicatus. Idem alij quidam cum laude præstiterunt. Econtrario autem, magna semper infamia flagrabat Heliodorus Episcopus, qui præelegit Episcopatu abire, quam libros suos amatorios perdere, vt scribit Nicephorus lib. 12. cap. 34. Et fuit tamen Heliodorus in erotica illa scriptione, verecundior Achille Tatio, indice Photio cod. 94. qui cod. 87. obscœnissimum nominat opus illud Achillis, de rebus Leucippes, & Clitophontis, quod non ita pridem prodiit. Autus tamen est Achilles Episcopatu, non suppresso eo opere, vt prodit Suidas.

Iure

Iure in huiusmodi scriptores, ( præsertim ne serò quidem sapientes, ) intorseris illud Philonis lib. i. de vita Mosis, initio. [ Facultate scribendi abusi sunt, tum in oratione soluta, tum in poëmatibus, versi ad comœdias, & fabellas Sybariticæ notæ turpitudinis, obſcenitatisque: cùm debuissent naturæ donis vti, ad prodendas res gestas, vitâsque bonorum virorum, vt nec honesta exempla vetera, nouâque traderentur obliuioni, ac silentio, cùm prælucere possint posteris; nec omisssis melioribus argumentis, auditu indigna anteponerentur, prætexta probris honestatis specie. ]

Nec male etiam ferias hos scriptores, eo ipso telo, quo S. Augustinus Licentium Poëtam licentioris & solutoris calami appetiit, in calce epist. 40. [ Ornari abs te Diabolus quærerit. Si calicem aureum inuenies in terra, donares illum Ecclesiæ Dei. Accepisti à Deo ingenium spiritualiter aureum, & ministras inde libidinibus, & in illo Satanæ propinas teipsum? ] Videndus item S. Bernardus lib. de natura & dignitate amoris diuinæ, cap. 1.

*Ad excusationes in peccatis, hac in parte.*

Quæ pro retinendis, ac impunè versandis obſcenis libris, interdum prolatæ sunt, & in dies proferuntur ab impuris hominibus, eiusmodi sunt, vt eorum vitam aperiant, & scripta damment, non etiam purgent: verè enim huiusmodi scripta, depravatæ Scriptorum vitæ sunt testimonia, quicquid Martialis lib. i. epigr. 4. & Poëtæ veteres multi, quos Raderus ibi profert, excusarint, contendentes lasciuam sibi esse Musam, vitam probam, & puram. Verum quod creditus Tullius in response ad Sallustium de verbis dixit, æquè valet circa scripta. Collegit enim Sallustium esse vitâ infamem, quod infamia loqueretur. [ Neque enim, ( ait ad eum, ) qui ita viuit, vt tu, aliter ac tu loqui potest: neque qui tam illoto sermone vtitur, vita honestior est. ] Sermo simulachrum est operum, ( ait apud Laërtium Solon, ) & cuiusmodi sunt mores, eiusmodi est etiam oratio; & rursus qualis est oratio, tales mores, vt habet vetus adagium apud Aristidem in 2. Rhetor. aduers. Plato. defens. &c quod S. Gregorius 12. mor. cap. 14. ad illud, Docuit iniquitas tua os tuum, & concinnè Christianus Pædagogus lib. 2. cap. 6. admonet; obſcenitas vitæ, est obſcenitatis verborum radix. Id ipsum de spurca scribentibus dicamus, iuxta illud Maretii in iuuenilibus;

76.

*Raro moribus exprimit Catonem,*

*Quisquis versibus exprimit Catullum,*

Scitè item Iulius Scaliger lib. 5. epidorp. tit. Similes vita & libri;

*Audens in honestis meis fundere versus,*

*Musisque pudicis, maculas dare impudicas.*

*Lasciva quasi pagina, sit vita probata.*

*Impurus erit; quod habet vas, fundere suevit:*

Excusationes ergo prædictæ vix aliæ sunt, quam quæ à Gersone contra Romanum à Rosa Ioannis Meldunensis, referuntur propositæ ab iis, qui fœtentissimo illi ac spurcissimo libro, præsidium quærebant. Inuentum aliqui autoris, & laxatum ea ratione animum excusabant. Erant qui libri eruditioñem, & qui scriptioñis nitorem allegarent. Nonnemo aiebat, Ioannem illum, non in:

in sua persona, sed in aliena dixisse, quæ improbanda in eo libro videri possent; in persona nimirum fatui amatoris, qui decenter, & congruè non poterat induci, loquens, nisi effeminatae, & minus pudicæ: quod non plus illi vertendum vitio contendebant, quam Daudi, quod loquentem Atheum induxit, & Salomoni, quod in persona fatui, mortale anima hominis, & Deum impudicum visus sit effutire. Aliqui mixturam bonorum, & malorum causabantur; itaque de Apostoli consilio, omnia quidem in eo libro legenda, sed sola bona probanda contendebant.

*Contra indulgentiam ex autorum iuuentute, & captata  
animorum laxatione.*

77.

Verum nulla excusationum, quas tunc obtendebant, hodièque obtendunt obscenitatis patroni, idonea est. Nam iuuentus quæ primo loco proferebatur, non dat facultatem, iuueniliter, id est, impure agendi, sequi & alios ad turpititudinem, & æternum exitium petrahendi. Nemini enim dedit Deus peccandi spatum, ut est apud Sapientem. Et quo sunt iuvenes vegetioris, & inflammabilioris naturæ, eo quod in eis nondum planè restitus sit ignis nativus, ob quem Deus Sacramentum regenerationis nostræ, in aqua instituit, ut philosophatur Clemens Rom. eo periculosior illis est lectio, & scriptio impura. Pulcherrimè de illius ætatis flagrantia, & proclivitate ad carnis ardentes, S. Hieron. epist. 2. S. Ambros. lib. 1. de interpellatione Job cap. 7. S. Aug. serm. 246. de temp. Creditus Tullius in Consolat. Eo itaque diligentius, ac sollicitius, ab huiusmodi incentiis scelerum abhorre par est, qui in flagranti illa ætate plus satis se ipsis feruent. Viderint igitur qui libtos impuros, iuueniles lusus interpretantur, quibus in rebus ludere ausint. Et quam indigna non Christiano tantum, sed quocumque æquo æstimatore, sit ea excusatio, qua iuuenilis laxatio fœdissima, & cum aculeo remordentis in præsentia conscientiæ coniuncta, obtenditur æternorum cruciatuum immunitati, quam impurus Scriptor emercatur.

78.

Similiter aliqui specie ioci mordent; in quos Seneca lib. 1. epigr. veter. Poët. Postquam enim descripsit hominis fellitos iocos, & retulit excusationem, quod iocando facta esset confixio, subdit, eam excusationem disiciens:

*Bellus homo, & validè capitalia crimina ludis,  
Déque tuis manant atra venena iocis.  
Sed tu pérque iocum dicis, vinumque; quid ad rem,  
Si plorem, risus si tuus ista facit?  
Quare tolle iocos. Non est iocus esse malignum.  
Nunquam sunt grati, qui nocuere, sales.*

Addo, non minus concinnnm, tametsi recentius à Christiano Poëta S. Bahusio carmen de fœdis iocis.

*Nihil nisi virgineum, lector, noua Musa propinat;  
Nam Cypry lasciva tela cœculi,  
Non hic villa sonant, non hic quæ frēnat olores.  
Patis oculis ludit, aut ludit iocis.  
Ludimus, ingenui verum intra claustra pudoris  
Exsedere hec; non ludere est, sed ladere.*

Sunt

Sunt hi ioci, & illi, de quibus agebamus, illiberales & auersandi. Quasi verò aliæ honestissimæ à lectione relaxationes deessent, quibus iuuentus absque Numinis iniuria & nocumento, distineri cum laude possit. Probanda sanè animorum quies atque remissio ex lectione, aliquodque laxamentum à contentione indulgendum. Hoc quis adè ferus ac forreus sit, vt non agnoscat? At captanda est remissio ab honesta lectione, vel sacri libri, vel profani, sed virtio vacantis, ac non lutulenti, cuiusmodi suppetunt innumerj, cùm in alio genere, tum maximè inter historicos, sine labe, ac virtutis excidio oblectantes lectorem. Videnda castigatio hominis hæc laxamenta captantis, quam instituit Blesensis epist. 76. Egregiè quoque Boëtius initio consolationis, ægritudinem animi, ac mœstiam pectoris non depelli huiusmodi vel scriptione, vel lectione, his verbis tradit, inducens repulsas à Philosopho accedentes ad consolandum Musas Poëticas. [Quis has scenicas meretriculas ad hunc ægrum permisit accedere? Quæ dolores eius non modò nullis foverent remedii, verum dulcibus insuper alerent venenis? Haec sunt enim, quæ in fructuosis affetuū spinis, vberem fractus rationis segetem necant, hominūmque mentes assuefaciunt morbo, non liberant. At si quem prophanum, vti vulgo solitum, nobis blanditiæ vestræ detrahérent, mindus molestè ferendum putarem. Nihil quippè in eo nostræ operæ laderentur. Hunc verò Eleaticis, atque Academicis studiis attigistis innutritum. Sed abite potius Sirenes usque in exitium dulces, meisque cum Musis curandum, sanandūmque relinquit.]

Non abludit ab hoc loco, quod Max. Tyrius serm. 7. de Mithæco condimentario natrat, quem Lacedæmonij finibus suis excluserunt, quod voluptatem cibationis, quam illi à labore petitam vellent, Mithæcus à saporum adulteriis, (vt cum Terrulliano loquat,) inhonesto, vt æstimabant Lacones, principio, deriuaret. Æquè, ac potiore etiam iure exclusos oporteat, qui animorum pabulum querunt, quod eos effeminet, & cum captatæ remissionis fugitiua voluptate, amaritudinem virulentam in præcordia transmittat. Hæc planè est dulcis illa, sed mortifera delinitio sensuum, per cantum Sirenarum, quæ tandem addicit confusione. Accipe id ex S. Ambrosio lib. 3. de fide cap. 1. [Hieremias de Babylone memorauit, quod habitatunt in ea filiæ Sirenum; vt ostenderet, Babylonis, hoc est, secularis confusione illecebras, vetustæ lasciuiae fabulis comparandas, quæ velut scopuloſo in istius vitæ littore, dulcem resonare quandam, sed mortiferam cantilenam ad capiendos animos adolescentium viderentur. Quam sapiens, etiam ab ipso Poëta Græco inducit, quasi quibusdam prudentiæ suæ circumdatuſ vinculis, præterisse.] Hoc est, mel iuxta Hesychium in cap. 3. Lenitic. cuius dulcedinem Deus auersatur, & inferri altari suo verat. Apes quidem Poëtæ, vt latissimè prosequitur Muretus 8. var. cap. 1. At mel illud, mel fardoum, & venenatum, cuius dulcedo planè auersanda.

Ex his concidit, quod aliqui circa libroſ Poëticos obscenos excusarunt, dicentes subiectam materiam omnino ferre admiseri aliquid impurum, alioqui fore insulsam & illepidam scriptiōnem; & ita fecisse omnes qui ei scriptiōnis generi dedere operam, cæteroqui probos. [Lasciuam verborum licentiam, (ait Martialis in epistola præfixa Epigrammatiſ,) id est, Epigramma-

tum linguam, excusarem, si meum esset exemplum. Sic scripsit Catullus, sic Marsus, sic Pædo, sic Getulicus, sic quicumque perlegitur. [ Et mox,

*Innocuo censura potest permittere lusus.*

*Lasciva est nobis pagina, vita proba est.*

Nec ita multo post.

*Lex hac carminibus data est iocosis,*

*Ne possint, nisi pruriat, inuare.*

Idein excusat in Apologia Apuleius, cum conscriptis obscenis carminibus argueretur. Similiter Catullus scribens ad Aureliam & Furium,

*Nam castum esse decet pium Poëtam*

*Ipsum; versiculos nihil necesse est.*

*Qui tum denique habent salem ac leporem,*

*Si sunt molliculi & parum pudici;*

*Et quod pruriat, incitare possint*

*Non dico pueris, sed iis pilosis*

*Qui duros nequeunt mouere lumbos.*

Eodem tegmine suas carminis petulantias excusabat Naso 2. de Trist. dicens  
præter cetera.

*Nec liber indicium est animi, sed honesta voluntas.*

Id quod pluribus exequitur. Et addit exemplum anteriorum, refugientium insipiditatem Poëseos.

*Sic sua lascino cantata est sapè Catullo*

*Fœmina, cui falsum Lesbia nomen erat.*

*Nec contentus ea, multos vulganit amores,*

*In quibus ipse suum, fassus adulterium est.*

*Par fuit exigui, similiisque licentia Calui:*

*Detexit variis qui sua facta modis.*

*Quid referam Ticina, quid Memmi Carmen? Apud quos*

*Nomen adest rebus, nominib[us]que pudor.*

*Cinna quoque his comes est, Cinnaque procacior Anser;*

*Et leue Cornifici, párque Catonis opus.*

*Et quorum libris, modo dissimulata per illos;*

*Nomine nunc legitur dicta Metelle tuo.*

*Is quoque Phasiacas Argon qui duxit in undas,*

*Non potuit Veneris furtu tacere sua.*

*Nec minus Hortensi, nec sunt minus improba serui:*

*Carmina. Quis dubites nomina tanta sequi?*

Dubitabit sanè, imò refugiet quiuis honestus & probus. Sapienter enim Valerianum monebat Eucherius in Parænesi, cùm diceret. [ Obscro te, delictum alienum semper ut opprobrium respice, nunquam ut exemplum. ] Opprobrium fuit tantorum, ( scilicet, ) nominum, quòd scriptiones suas insipidas duxerint, nisi obscenitatibus pruritum crientibus respergerentur. Hoc nemo probus assumet in exemplum. Nec subiectam materiam id ferre verum est, cùm abiicienda sit cœnosa quævis materia scribendi tanquam indigna probo yiro,

cui

cui magis sapiet, imò solum sapiet, quod pudicum erit, nec illicitum ciebit pruritum. Et ita statuendum esse liquet ex paulo antè disputatis. Quod autem de vita proba scribentis, licet impudica, allegabatur, iam *suprà* euersum est.

*Aduersus excusantes obscenari operis eruditionem.*

Eruditio in fædo opere promercalis, (quod secundum erat imputitatis perfugium,) inidonea excusatio est ad illius lectionem, vel afferuationem. Quinimò indignissimum est, eruditum, velut suem, circulum aureum naribus præferentem, doctrinam immergere in volutabrum illud, vt optimè philosophatur Cassianus *coll. 14. cap. 16.* Possumusque cum eodem *ibidem*, diffiteri, aliam quām falsi nominis scientiam, vt *1. Timoth. 6.* dicitur, his immundis vasis contineri; [ Nemo enim, (inquit *idem cap. 14.*) in vas fœtidum atque corruptum, vnguentum aliquod nobile, aut mēl optimum, aut pretiosi quidquam liquoris infundit. Facilius enim quamvis odoratissimum myrum semel horrendis imbuta fætoribus testa contaminat, quām vt aliquid ex eo suavitatis, aut gratiæ, ipsa concipiatur: quia multo citius munda corrumpuntur, quām corrupta mundantur. ]

82.

Sit vero aliquid eruditio in his libris. Non deerunt puri fontes, & illimes, è quibus hauriatur latex doctrinæ absque vlla cœnoscitatem. Et ut deessent alij, (quod nunquam dabimus,) præstaret aliquid ignorare, potius quām in exitium æternum ruere. Benè, homo cæteroqui sanctitatis nequam exquisitæ, Laurentius Valla, laudem idcirco à Viue *lib. 3. de tradendis disciplinis*, affecitus est, quod in verbum quoddam obscenum cùm incidisset, cuius explicatio expectanda videretur in opere Grammatico verborum explicationi addicto, dixerit tamen, ignorari malo, quām me docente sciri. Nec minus congruit, Christianum lectorem profiteri, ignorare se malle aliqua, quām discere. Et consonat illud Chrysostomi, *hom. 5. de prouid.* [ Melius est aliquid ignorare, quām turpiter scire. ] Poteritque is qui ita animo compatus erit, securus cum Iobo dicere, & si ignoraui, mecum erit ignorantia mea, id est, interprete S. Gregorio *14. mor. cap. 14.* proderit mihi, quod aliqua ignoraui, aliis verò è contratio oberit, sciuisse, quæ ignorare præstitisset. Hoc plane verissimum agnoscitur in iis, qui turpia sciunt, vel quorum cognitio nisi adiunctis fæcibus turpitudinum exquiri non potest. [ Melius est aliquid nescire securè, quām cum periculo discere, ] ait Hieron. *epist. ad Eustoch. de custod. virginit.* & agit de castitatis, ac pudicitiae periculo. Concedit item D. Augustinus *cap. 27. Enchir.* dicens. [ Sunt quædam, quæ nescire, quām scire, sit melius. ]

Hæc ad eos maximè pertinent, qui vltro gemmas legitint è stercore. Quanquam in illis quoque disciplinis, ad quarum ambitum pertinet tractatio aliquorum obscenitati affinium, ea parcitate captatur, vel proditur eruditio, à modestis traetatoribus, vt non necessariis omnino recisis, ea ipsa, quæ propone necesse adgit, veracundè, & adhibitis verborum circumlocutionibus exprimant. Quamvis enim Tertullianus *lib. de anima cap. 29.* duri ingenij homo, negat pudere debere necessariæ interpretationis, & naturam venerandam esse

83.

G 2 dicat,

dicat, non erubescendam; ideoque plerumque licentius in ea describenda feratur, quæ non nisi insinuari, vel etiam premi conuenientius fuisset, id quod ab Abulensi per simplicitatem malitiae nesciam, variis locis præstitum, obseruare sœpe memini. Tamen, in illis quoque disciplinis, quas dixi necessariò in eas fæces stylum immergere, pudicus lector Laetantij consilium probabit, monentis *lib. de opif. Dei, cap. 13.* [vt indumento verecundiæ, quæ sunt pudenda velentur.] Scripturæ veluti verecundiæ, vt cum Tertulliano loquar, *lib. de ieiunio cap. 6.* id est, in exponendis turpibus honestatem, exhibet Genebrardus in *Psal. 50. ad vers. 1.* & Pineda *cap. 31. Iobi, ad vers. 10.* Adeundus etiam Orig. *homil. 6. in Ezech.* Imò non proferri in tota Scriptura voculam, quæ turpem quamplian, & obscenam actionem designet, afferit latè Mendoça in *cap. 1. Reg. in exposit. litera ad vers. 19. num. 6.* & linguam Hebream idcirco dici *linguam sanctam*, quòd desint illi voces, quibus vel fœda opera, vel membra quæ pudor celare docet, denominantur, notauit Rabanus *lib. 14. etymolog.* adductus à S. Bonau. *lib.* cui titulus, *Principium sacrae Scripturae*, vbi de munditia Scripturæ in turpibus exponendis, plurcula. Pudentiores Ethnicos, idipsum seruasse, monstrauit *lib. 6. de virtut.* *num. 154.*

84.

Nunc illud vnum ex D. Augustino addam, 14. *Ciuit. cap. 23.* vbi cùm adigeretur exponere, vnde sit impotentia mentis, ac œstrum, quo agitantur qui dant liberis operam; dixissetque, in Paradiso, nisi Adami culpa beatum illum statum temerasset, nihil inhonestatis, aut inverecundiæ in eo opere eiusque idiunctis omnibus, fuisse cernendum; exhibens planè luculentum paradigma modi quo sunt hæc argumenta tractanda, cùm tractanda sunt, eoque adigit iusta necessitas, vel non dimittenda utilitas, subdit. [Quod modò de hac re nobis volentibus diligenter disputare, verecundia reficit, & compellit veniam honore prefato à pudicis auribus poscere, cur id fieret nulla causa esset; sed in omnia, quæ de huiusmodi membris sensum cogitantis attingerent, sine ullo timore obscenitatis, liber sermo ferretur; nec ipsa verba essent, quæ vocarentur *obscena*; sed quidquid inde diceretur, tam honestum esset, quam de aliis, cùm loquimur, corporis partibus. Quisquis ad has literas impudicus accedit, culpam refugiat, non naturam: facta denotet suæ turpitudinis, non verba nostræ necessitatis, in quibus mihi facillimè pudicus, & religiosus lector, vel auditor ignoscet, donec infidelitatem refellam, non de fide rerum inexpertatum, sed de sensu expertarum argumentantem; leget enim hoc sine offensione, qui non exhorret Apostolum horrenda fœminarum flagitia reprehendentem, quæ immutauerunt naturalem vsum, in eum vsum, qui est contra naturam: præcipue, quia non damnabilem obscenitatem nunc, sicut ille, commemoramus, atque comprehendimus, sed in explicatis quantum possumus humanæ generationis affectibus, verba tamen, sicut ille *obscena* deuitemus.]

*Excursio*

*Excursio opportuna in quosdam fori rabulas, operis Thomae Sancij de Matrimonio, allatratores?*

Volo per hanc occasionem non silere, quām iniquē ac malignē, grauissimus scriptor, & in morali Theologia æuo suo facilè Princeps, Thomas Sanches, laceratus sit à quibusdam fori rabulis, quorum vitæ spurcitiæ, & fidem heteroclitam, alij iam pridem prodiderunt. Sed & hæretici, de quorum impudicitia & spurcitiis alibi plenè, nec parcè Iosephus Stephanus *lib. de unica Religione cap. 11.* & Gretserus *lib. 3. aduers. cap. 7.* magno hīc zelo concitantur, quod recens admodum petulanter fecit Ludimagister Bernensis Christophorus Luthardus, ad parallelum Caluini cum priscis hæreticis Simonianis: spuciloquia sua in Sanchem, mendaciter affingens Academiæ Parisiensi. Scriptit ergo Thomas Sanches de Sacramento Matrimonij insigne volumen, Clementi VIII. Pontifici Iurisconsultissimo, sub cuius Pontificatu est editum, summè probatum, cōque exornatum elogio, quod ab oculo non liuente, & iudicio non anteoccupato, confertissima eruditio, tractandi methodus accurata, perspicuitas insignis, & planè singularis diligentia, decora denique omnia eximij scriptoris, extorserant. Eius operis libro uno, quo de coniugali debito agitur, nonnulla proponuntur, & enodantur dubia de fœdis actibus, qualia passim apud Summistas, & alios matrimonij tractatores, leguntur impunè. Hinc molliculi quidam, Curios simulantes, & Bacchanalia viuentes, in Thomam Sanchem concitantur: fuerūntque qui de illo talia chartis illinerent, quæ referre vetat pudor.

Sed Sanchem, hominem sanctissimæ vitæ, & perpetuo virginitatis candore nitentem, ut graues scriptores prodiderunt, ( pangunt ei luculentum elogium Ioannes Bourghesius libro cui titulus est, *Societas Iesu, Deipare Sacra cap. 20.* & Crombetius *lib. 2. de studio perfect. cap. 12.* ) Sanchem, inquam, possumus iisdem verbis se purgantem inducere, quibus in sua causa usus est Petrus Blesensis *tract. de confess. Sacram. sub medium*, cùm huiusmodi cloacinam aliquandiu versasset, ut eam expurgaret. [ Turpe, ( ait, ) reputas, de tam turpi materia loqui; sed turpior est Infernus. Si fœdus est sermo, fœdius est putrefactio in peccato. Num quid audebis facere, & ego illud dicere non audebo? Testis in cœlis Deus, etiam conscientis in excelsis, quod zelo, & sitio salutem animæ tuæ, & tota hæc exhortatio mea procedit ex medullis animæ, & adipe charitatis.] Pro exhortatione, substituo *dissertationem*, quæ ex eo fine edita, non potest videri probroso autori, nisi si est Medico indecorum, vel probrosum, quod ad ægri curationem, spurcitiæ fœtentissimas, & olidissima electamenta emoueat.

*Qui Patres spurca parcè, & prudenter, ut Sanches, attigerint.*

Ratiocinatio est S. Chrysostomi *hom. 37. in 1. ad Cor. in fine*, cùm spurcitiis libidinantium refellendis institisset, eosque ut reprehenderet, descripsisset. [ Hæc, ( inquit, ) si dicta sunt apertiūs, quām par sit, nemo me reprehendat; nolo enim dicendi grauitate ornare orationem, sed graues, & honestos facere auditores.

Propterea Prophetæ quoque, nulli huiusmodi verbo pariunt, volentes Iudeorum excindere libidinem, & intemperantiā: sed eos quoque tangunt apertius, quā nō nos nunc, propter ea quae diximus. Medicus enim volens excindere putredinem, non eō spectat, vt mandas conseruet manus, sed ut illum liberet à putredine: & is, qui humilem vult excelsum reddere, ipse prius sit humili, & qui studium ponit, vt occidat insidiatorem, se quoque cum illo cruentat, & hoc eum facit clariorem.] Hæc & alia ex eodem Sancto Doctore signare in hanc rem memini in opere *de calunnia* sect. 2. serie 3. cap. 10. ex homil. 5. in 1. ad *Thessalon.* & ex lib. 3. aduers. *Vituper.* vita monast. Nec aliter alij Patres.

87. — S. Epiphanius her. 26. Spurcias Gnosticorum exorsus eloqui, primum abrumpit cœptum sermonem, [ vt ne audeam quidem, ( inquit, ) totum eloqui, nisi sanè cogerer propter excellērem animi mei dolorem per ea, quæ vanè ab ipsis fiunt, stupore percussus. Ad qualem magnitudinem, ac profunditatem malorum hostis hominum Diabolus, dicit ipsi credentes, vt polluant & mentem, & cor, & manus, & ora, & corpora, & animas eorum, qui ab ipso in tanta cœcitate eruditæ sunt? Timeo autem ne fortè magnum hoc venenum, totum reuelem, velut cuiusdam Basilisci serpentis faciem ad perniciem magis legentium, quā ad correctionem: polluit enim reuera aures magnæ huius audaciæ blasphemæ collectio, & hæc turpitudinis coaceruatio, & enarratio, ac fraudulentæ huius turpis operationis cœnosa malevolentia, &c. Attamen, quia neque præterire possum in totum, cogor omnino effari. Nam & S. Moses Spiritu sancto plenus scribit; si quis viderit cædem, & non manifestauerit, maledictus fuerit talis. Quapropter non possum magnam hanc cædem, & magnam istam lethalem operationem, silentio præterire, & non declarare: fortassis enim vbi declarauerero prudentibus hunc lapsum, velut puteum interitus, timorem ac horrorem inducam, ad hoc vt non solum vitent, sed etiam lapidis impetrant obliquum illum serpentem, ac Basiliscum in profundo barathro latitantem, vt ne appropinquare quidem alicui audeat.] Et mox, enarratis ex parte Gnosticorum turpitudinibus. [ Reuera, ( inquit, ) erubesco dicere turpia, quæ apud ipsis fiunt, iuxta Apostoli illius sancti dictum, nempe; quæ apud ipsis fiunt, turpe est etiam dicere. Attamen non erubescam dicere, quæ ipsis facere non erubescunt, vt omnibus modis horrorem incutiam audientibus turpia quæ ab ipsis perpetrantur facinora.] Rursus infrà. [ Et oportebat quidem hæc neque dicere, neque digna putare, quæ in literas referantur: verū sepeliri velut mortuum quandam fœtidum, & pestilentem graueolentiam exhalantem, vt ne etiam per aures laderet hominem. Et si quidem præteriisset talis hæresis, & non esset amplius in mundo, bonum esset hanc sepelire, & neque omnino de ipsa dicere. Quandoquidem verò, & peragitur, & vos hortati estis nos, vt de omnibus dicamus, partes ipsius coactus recensui, vt veritatem non silentio præteream, sed exponam ad auertendos quidem auditores, ad confusionem verò eorum qui faciunt. ] Tandem sub finem post longam huiusmodi obscenitatum congeriem. [ Quid verò aliud dixerim, aut quomodo excussero lutosum hunc laborem? Cū velim quidem dicere, & non velim; sed cogar, vt ne videar quid de rebus his occultare, & timeam ne horrenda ipsorum delicta reuelando, aut polluam, aut offendam, aut eos, qui voluptatibus, aut cupiditatibus ducuntur, ad curiosius de hoc inuestigandum impellam.

Iam. Attamen ego quidem innocens fuerim, & vniuersa S. Ecclesiæ soboles, & omnes qui hunc librum legerint, & hac subseminatione, & maligna Dia- boli improbitate. ] Breuins idipsum, in rcb:is gestis S. Gregorij Nazianzeni, dixit Gregorius Presbyter allegato Ethnico quodam, qui etiam fœda, viliter interdum scribi, ac legi dixit.

Retulerat coram omni plebe Christiana, Cyrillus Hierosol. *catech. 6. sub finem*, Manichaorum fœditates, longè horribiliores, quam quales Thomas Sanches operi solis eruditis seruituro, commiserat; nec criminis sibi vertendam censuit S. Cyrilus, eam alienorum probrorum commemorationem, illa duntaxat excusatione vtens. [ Annuciat hæc Ecclesia, & docet, attingiturque fôrdes illas, vt tu non polluaris: dicit vulnera, vt tu non vulnereris. ] Et paulo post. [ Propter vestram securitatem, etiam perditionem curiosè scrutabamur; sed Dominus liberabit nos ab huiusmodi errore. ]

Hincmarus Remensis, Antistes magni suo æuo nominis, *opusc. de diuor- tio Lorbarij, & Terberga*, coactus est stylum demittere in spurcias longè fœtidiores, quam vspiam apud Sanchein legantur, hæc præfatus, quæ Sanches suis allatratoribus iure possit reponere. [ Nemo nos execret impudicos, de huiusmodi impudiciis, quas verecundæ aures erubescendo refugiant, sermocinantes; quia timore Christi, quem in se locutum fuisse, veraciter dixit Paulus, inter alia de talibus disputauit. Illa quæ ex interrogatis sentire poterimus, nequaquam tacere audebamus, tenente nos eo, atque dicente, *Qui me erubuerit, & meos sermones, hunc Filius hominis erubescet, cum veneris in maiestate sua, & Patris, & sanctorum Angelorum*. Nemo etiam debet exacerbari, audiens turpitudines infirmitatum, quas venenata Diabolica malignitatis calliditas, humanæ infligit fragilitati, sciens se secundum Apostolum, circumdatum esse infirmitate, & considerans seipsum, ne fortè & ipse tentetur. Neque debet metuere, ( Beato dicente Gregorio, *in regula pastorali*, ) vt dum aliena tentamenta condescendendo cognoscit, eisdem temptationibus, etiam ipse pulsetur, quia & hæc eadem, per quam populi multitudo in lutere, iabente Domino per Moysen facto, diluitur, aqua proculdubio inquinatur. Nam dum fôrdes diluentium suscepit, quasi suæ munditiae serenitatem perdit. Sed hæc nequaquam Pastori timenda sunt, quia Deo subtiliter cuncta pensante, tanto facilius à sua eripitur, quanto misericordius ex aliena temptatione fatigatur. Et tanto alienatum infirmitatum impuritates, & patienter audire, & infirmis medicinali consilio, prout cuique expedire viderit, debet modis omnibus subuenire, quanto Deum, ( vt ipse per Prophetam dicit, ) sustinendo laborare in nostris iniquitatibus, & occulta dedecora nostra, & ipsarum etiam cogitationum immundicias conspicere, & misericorditer portare diuina expectatione, ignorare non potest. ] Ioannes Saresberiensis *epist. 291.* haud dissimiliter.

Hæc pro se Sanches, ad illos quos dixi spurcos, zelum castitatis, & sanctimoniae ementientes, iure reponat. Apud prudentes autem, & conscientes temperationis qua Sanches in eo argumento est vsus, purgationem nullam desiderat, præsertim si liuor oculos non fascinet. Vnius & grauissimi & doctissimi è recentioribus testimonium ex eius *disput. 43. selecta de Sacram. num. 16.* dignum videtur quod hic non prætereatur. [ Thomæ Sancio, ( inquit, ) cedant omnes.

88.

89.

omnes scriptores rerum moralium. Semper namque quoties huius tanti Doctoris curam in perquirendis autoribus tam Theologis, quam Iurisperitis intueror, & rerum examinatarum copiam, in admirationem rapior, & contineri non possum quin cupiam omnia ossa mea in linguas verti peritas, quibus exacte, (si possem,) laudes dignas tanto viro, manifestas vniuerso Orbi tradicerem. Mirabilem Deum esse in sanctis suis regius Propheta Psal. 67. est testimonius. Mirabilem quoque fieri in doctis suis, nullus dubitauit. Mira ergo Dei largitas, lucem & sapientiam communicantis huic Doctori, ostenditur; modò dilectio excedens erga sacratam Societatis IESU Religionem eluet, cum tot tantosque filios sapientia & literis praeditos, ei praestiterit, & inter illos hunc Thomam Sanches gigantem exhibere fuerit dignatus. Maximè dilecta Deo Religio, intende propter, procede, & regna, ] Audiat blatero Sancij de honestator, & quidem non Religiosum, vel Monachum, qui notari possit adulationis; sed secularem Theologum, eruditioni, accurationi, circumspectioni Sancij, in veris fædis cæteroqui materiis, testimonium perhibentem.

Quid verò per Thoma S anche in hac parte purgando laboramus, cum eidem criminatio, diuina Scriptura, ciusque siue Autor Spiritus sanctus, siue Amannienses Canonici scriptores, patere possint? Notauit hoc Radulphus Flavienensis agens de plerisque spuriis in Leuitico expressis. [ Multi, (inquit,) cum in scripturis talia reperiunt, abominantur, auertunt auditum, & penè si auderent, legem diuinam, quod in ea talia scripta sint, reprehendere niterentur. Sed meminisse debemus, quia aliud est de vitiis cogitare, aut loqui sub ratione peccandi, aliad ea intentione discutere, ut subtilius agnita, facilius evitentur. Nobis potius imputari deberet, qui audire talia digni sumus, quam legem diuinam in aliquo reprehendere presumere.] Addit quod in hanc rem attentissimè expensem velim. [ Nos temeraria presumptione arguimus lumen, quod nos ipsos nobis ostendit; arguimus verbum Dei, quod sine suo vitio, nostra virtus reprehendit. Quid agis humana superbia? Tantæ sunt sordes tuæ: in has fæces devoluta es; & sermo Dei qui curam tui suscepit, non aliter subuenire tibi posset, nisi in stercore tua quodammodo manus mittret; & ut tibi sordes detrahatur, (si dici fas est,) ipse contraheret. Sicut tamen radius Solis incontaminatus cloacas penetrat, sic stylus Spiritus sancti, propter suam munditiam ubique attingit, & nihil inquinatum in illum incurrit. Quod autem sordescere visus est, tibi adscribe; tui enim causa factum est.] Hæc pro Canonico scriptore, ipsoque Spiritu sancto à Radulpho disputata, æquè pro Thoma S anche faciunt, & pro quocunque sobrio Scriptore, quem proximi iuuandi necessitas stylum in fæces scelerum demittere aegerit, cum ea temperatione ad metrum necessitatis admensa, quæ tales limites non transgrediantur.

Hæc modestia, & parcitas, ac circumspectio scriptoris, meritò exigitur à captantibus necessariam eruditionem, siue Medicis, siue Theologis; & à prudentibus ac pudentibus Doctoribus cum in eam necessitatem adducuntur, omni studio retinetur. Quia in parte imitantur scripturam, quæ adacta res per se turpes memorare, obducit eas nitentibus vocibus, potiusque adhibet Antiphases. Audi Chrysostomum hom. 4. de patientia Ioh., ad illud, si non in faciem benedixerit

benedixerit tibi. [ id est , ( inquit , ) maledixerit ; nam Scriptura benedictis maledicta velauit. Et quare hæc scripta sunt : Ut tu fidelis discas, cùm alieni mali turpia narraueris, eadem verborum honestate velare : neque honestis turpibus operam præbens, sed turpium locutionem fugiens. Propterea, ( inquit Apostolus, ] omne verbum turpe non exeat de ore vestro. ]

*Contra excusantes nitorem sermonis in libro obsceno.*

Æquè reprehensioni patet obtendiculum tertium impuritatis , nempè cupiditas combibenda elegantiae. hæc quanta sit deceptio , doceo verbis S. Augustini i. confess. cap.16. [ O flumen Tartareum ! iactantur in te filij hominum, cum mercedibus, vt discant , & magna res agitur , cùm agitur hoc publicè in foro , in conspectu legum , super mercedem salario decernentium , & saxa tua percutis , & sonas , dicens , hinc verba discuntur , hinc acquiritur eloquentia rebus persuadendis , sententiisque explicandis maximè necessaria ; ita verò non cognosceremus verba hæc , imbreum aureum , & gremium , & fucum ad tempora cœli , & alia verba , quæ in eo loco scripta sunt , nisi Terentius induceret nequam adolescentem , proponentem sibi Iouem ad exemplum stupri , dum spectat tabulam quandam pictam in pariete , ybi inerat pictura hæc ; Iouem quo pacto Danae misisse aiunt in gremium quondam imbreum aureum , fucum factum mulieri. Et vide quemadmodum se concitat ad libidinem , quasi cœlesti magisterio. At quem Deum , ( inquit ? ) qui tempora cœli summo tonitru concutit. Ego homuncio id non facerem ? Ego verò illud sponte feci , ac libens. Non omnino per hanc turpititudinem verba ista commodiùs discuntur , sed per hæc turpitudo ista confidentiùs perpetratur. Non accuso verba quasi vasa electa atque pretiosa , sed vinum erroris quod in eis nobis propinabatur ab ebriis Doctribus ; & nisi biberemus , cœdebamur , nec appellare ad aliquem iudicem sobrium , licebat. ]

Nolo inficias ire, quod de pulchris turpiter loquentibus dixit Laërtius lib.6. eos ex eburnea vagina plumbeum gladium educere, aliis quoque conuenire ; & scriptoribus præsertim , eloquentia qua possint ; & elegantia abutentibus ad escam fœdæ voluptatis. Fateor , inquam , scriptores nonnullos per insignem ingratitudinem in Numen , beneficiis eius splendidissimis , eloquentia , & sermonis venustate, atque concinnitate inuentorum, abuti in Dei ipsius inhonorationem ; posséque de hac indignissima per eos rei tam pretiosæ inquinatione, dici quod de Symmacho eloquentiâ ad impietatem abutente, scriptum est à Prudentio in ipsa propè meta prioris libri aduersus eum.

O linguan miro verborum fonte fluentem,  
Romanj decus eloquij , cui cedat & ipse  
Tullius , has fudit diues facundia gemmas.  
Os dignum aeterno tintillum quod fulgeat auro,  
Si mallet laudare Deum , cui sordida monstra  
Prætulit , & liquidam temerauit criminè vocem.  
Haud aliter , quam si rastris quis tentet eburnis ;  
Cœnosum versare solum , limoque madentes  
Excolere aureolis si forte ligonibus vnuas.

*Splendorem dentis nitidi, scrobs inquinat atra,  
Et pretiosa acies, squalenti sordet in hara.*

Hoc in plerosque obscenos scriptores æquè cadere, corūmque pretiosam  
aciem squalenti in hara sordere, Catullus, Martialis, Petronius, aliisque per-  
spicue comprobant.

91. Sicut tamen non sapiat, qui vultus nitorem eo pharmaco aut malagmate  
capret, à quo vitæ impendeat certum exitium; ita nemo sapiens vnquam de-  
liget inquinari sordibus longè teterrimis, vt nescio quam venustatem nullius  
pretij, tanto cum damno assequatur: satiùsque fuerit, librum simpliciter ac  
inuenustè conscriptum, sed solidum ac pium terere, quām impurum verbis  
nitentissimis splendentem. Perbellè S. Cyrillus lib.7. in Julianum. [ Numquid  
si quis aureo cochleari helleborum infundat, & alteri non aureo, sed ex vilissi-  
ma materia, apum labore, hoc est, mel imponat, & sorbere inbeat quod  
placuerit, nunquid materias inspiciens, palmam dabit deterioribus; vel rectè  
iudicans utile nocuo præferat, etiam si in vilissimo proponatur vasculo? ] Re-  
ctè item de se Blesensis. [ Secularis lex, gloria supellestili verborum, lepidá-  
que orationis urbanitate lasciviens, inebriauerat mentem meam. Sed abhor-  
ret Propheta aureum calicem Babylonis, vbi designatus est lepor eloquentiæ,  
ædificans ad gehennam. ] Ita ille epist.26. Proutendum itaque cuique, ex  
S. Gregorij 27. mor. cap.1. præclaro monito, [ ne cum virtutum flore, mo-  
rum virtus colligat, & in eo quod loquendi notitiam assequitur, viuendi se  
imperitia transfigat, &c. nedum imprudente dictorum flos legitur incaute le-  
gentis manus, morum spina laceretur. ] Idem egregie admonet S. Basil.orat.  
de leg. lib. Gentil. omnem hinc animi custodiā depositens.

Quin etiam ægrè adducetur peccatum verè Christianum, vt nitorem, aut con-  
cinnitatē dictionis arbitretur, quæ cum tali, rei subiectæ fœditate, coniuncta est. Nam dictio nihil esse videtur, præter thecam, aut vaginam sensorum  
intus abditorum. Spurciem porrò sordium intra thecam, aut vaginam con-  
ditatum, refundi in hæc inuolucra & tegmina, nemo non videt. Hoc specta-  
runt, qui solœcismum in Christiano esse dixerunt, peccatum quodcumque,  
etiam si nitentibus ac luculentis verbis expressum. [ Apud Christianos, ( ait  
S. Hieronymus lib.1. contra Heluidium ) solœcismus est magnus, turpe quid vel  
narrare, vel facere. ] Nec dissimiliter loquitur Petrus Damiani sermone de  
S. Anthimo, in fine. Quod si, iuxta Sidonium, quidam barbarismus est me-  
rum, sermo iucundus, & animus afflictus, ( planè accommodatè; nam iuxta  
Flauium Caprum, Priscum Grammaticum de Orthographia, Barbarus idem est  
quod vitiosus; & barbarismus idem quod vitium, ) multo sine dubio incon-  
gruentior & fœdior est barbarismus, sermo iucundus ob elegantiam, aut sales,  
& animus eo sermone afflictus, imò confossus, imò vita gratiæ & sanctitate  
priuatus. Scortum denique, nemo probus adducatur, vt amari abs se velit, ta-  
met si mundo immundo, supra honestam matronam niteat; hoc ipsum est in  
libro obsceno, dictionis elegantia, quod in scorto venustas, & externus ad-  
prolectandos imprudentios apparatus.

92. Melli venenum tegenti, eloquentiam elegantiamque sermonis fœda conue-  
fientem, componit Lactantius lib 5. cap.1. Sed plane egregie S. Basilius orat.de-  
legendis Christiano Gentilium libris. Optimè item Orig. homil.2. in Ierem. expen-  
dens.

dens illud ex cap. 5. Hierom. *Calix aureus Babylon*; exponit eum calicem aureum, nitorem sermonis, quo obsecena & nefaria, obiecta propinantur. Sic verò scribit præter cætera. [ Nabuchodonosor volens decipere homines per calicem Babylonis dolosum, non miscuit in vase fictili, quod parabat potari; sed neque in paulo meliore, & æreo vase, vel stanneo, & quod ista præcellit, argenteo: verùm eligens vas aureum, in eo poculum temperauit, vt qui viderit decorem auri, dum radiantis metalli pulchritudine delectatur, & totus oculis hæret in specie, non consideret quid intrinsecus latiter, & accipiens calicem bibat, nesciens calicem Nabuchodonosor. Intelligens autem calicem aureum in præsenti nominatum: sed animaduertas pessimorum dogmatum verba mortifera qualem habeant compositionem, qualem decorem eloquentiæ, qualem rerum diuisionem; cognosces quomodo vnusquisque Poëtarum, qui putantur apud vos disertissimi, calicem aureum temperauit, & in calicem aureum venenum iniecerit idolatriæ, venenum turpiloquij, venenum eorum, quæ animam hominis interimunt dogmatum, venenum falsi nominis scientiæ: sed meus Iesus contrà fecit, sciens aureum calicem zabuli, & præcauens ne aliquis ad fidem suam veniens, suspicaretur etiam Christi talem esse calicem, qualem esse requirat, & per similitudinem materiæ, formidaret errorem: idèò curauit, vt haberemus thesaurum istum in vasis fictilibus. Sæpè vidi aureum calicem in pulchro sermonis ornatu; & dogmatum venena considerans, deprehendi calicem Babylonis.]

Non dissimiliter S. Hieronym. in cap. 3. *Ione*, circa illud, peruenit verbum ad Regem Ninive, multa prolocutus de iis, qui inter homines habentur Reges, hoc est, de excultis doctrinâ viris, qui nouissimi audiunt verbum, & deposito fulgore eloquentiæ, serò se simplicitati, ac rusticitati tradunt; calicem aureum Babylonis, ex quo inebriatur omnis terra, interpretatur eloquentiam secularem, quæ ita verborum nitorem querit, vt sordes sensuum negligat. Id quod maximè de obsecenis scriptoribus, cum nitidè & disertè scribunt, usurpatur. Cauendum igitur est, ne ex illo aureo poculo hauriatur venenum exitiale bibenti.

Non est proinde ferenda perulcitas Angeli Politiani, qui Prologum in Plauti Menæchmos, in gratiam cuiusdam Pauli Comparini conscriptum, his dehonestauit versibus, aduersus Prædicatores obstrepentes, contendens ob summum in Plauto nitorem dictionis, & elegantiam, ob quam iam olim dictum est, Latinè vellent etiamsi Musæ loqui, nullis vñuras, nisi Plautinis vocibus, probandum maximè esse Plauti vñsum adolescentibus; tametsi & rebus, & personis spurci Comici. Sic igitur ille lib. epist. 7.

*Sed qui nos damnant, histriones sunt maximi,  
Nam Curios simulant, viuunt Bacchanalia.  
Hi sunt præcipue quidam clamosi, leues;  
Cucullati, lignipedes, cineti funibus,  
Superciliosum, incuruicervicum pecus.  
Qui quid ab aliis & habitu, & cultu dissentiant,  
Tristesque vultu vendunt sanctimonias,  
Censuram sibi quandam & tyrannidem occupant,  
Pavidamque plebem territant minacis.*

H

Inspicenter

93.

Inspicenter omnino, ac indignè Sacerdote, & Canonico; quam personam maius iste Angelus sustinebat.

94.

Flagellare iuuat huius è sacro Ordine hominis, inuercundiam, adscripto iudicio Camerarij in Præfatione Plautina. Tamen si enim à Religione Catholica extorris fuit, tamen quantoperè alienus fuerit à sensu eorum, qui illucem ad obscœnas scriptiones habent elegantiam sermonis, his verbis aperuit. [Puerili ætati in primis hoc impenderet periculum, morum sanctitatis, & innocentiae atque pudoris. Quem si simpliciter, & quasi ex professo, laedunt poëmata, multo erit satius, penitus illa aboliri, & ut περὶ τῆς βιβλίας concremarī, quām omnino inspici, nedum proponi studiis puerilibus. Atque fuerunt quædam semper, & nunc sunt talia, quæ exterminanda de scholis existimamus. Nam quod ille ait defendens lasciviam carminum suorum,

*Vita verecunda est, Musa iocosa mea:*

Et alter pronunciare audet, tum deum salem & leporem habere versus,

*Si sint molliculi, & parum pudici.*

Horum vterque planè desipit, neque assensionem inuenire à nobis debet. His igitur nequaquam assentiemur commendatoribus obscœnitatis: multo autem minus illi scurræ, qui obscœnè loquentes, ait, Romana simplicitate loqui; & talia scripta prorsus excludemus è scholis puerilibus, & ab illis tanquam à peste bonæ mentis, abducemus oculos, aures, animos teneros. Atque si qua scripta tota sunt huiusmodi, tota exigantur, & reiiciantur: sin minus, & in illis est alicubi aliquid quasi purulentum, & γαρ σπαραγωδεῖς, illud recidatur ut reliqua, depulso veneno tuò attingi possint. Præstaret enim, vel ineruditissimum esse aliquem, quām per eruditionem imbui spurcitia, & impuritate; vel etiam impieate, scelere, furore. ] Confer hoc iudicium hominis laici, & Lutherani, cum sensu Politiani Sacerdotis; nec dubitabis vter in tam diuerso statu, sanctius, iustius, purius pronunciauerit.

Aduersus hoc tertium impuritatis obtendiculum, multa peti possunt ex S. Idoro lib. 3. de summo bono cap. 13. Ego adscripto Epistero ex Arriani lib. 4. cap 11. abeo. [ In cœno, & sordibus, pulchritudo non inest; nec in cœno se equus volitat, aut generosus canis, sed sus tantum, & putidi anseres, vermiculi item, & araneæ. ]

*Dissecta excusatio, quod obscœnus scriptor loquatur in aliena persona.*

95.

Obtendiculum quartum impuritatis proferebatur, quod pleraque in turpibus libris impura atque obscœna, ab autore libri dicantur, non ex persona sua, sed ex persona eorum, qui referuntur loquentes; Scorti, v. g. aut lenonis, quos cum decoro & congruè induci fœda loquentes, necesse sit, cùm grauia, & casta non deceant eas personas. Hæc excusatio apud Photium cod. 106. imbecillum patrocinium dicitur. [ Nam, vt maximè, ( inquit, ) in disputatione hoc pacto rectam sententiam declinare, ab eaque recedere non omnino absurdum, aut reprehensione dignum videatur; ( nam ibi, pleraque ex eius qui contrà disputat, sententia, & opinione, ac quasi vi fiunt, ) in scippe,

scripta tamen oratione, quæ legis instar omnibus in communi proponenda sit, si quis hanc, sui pargandi causa, blasphemiae conscriptæ defensionem afferat, is sanè ad imbecillum confugiet patrocinium. ] Sic ille, (iure an iniuria, in præsentia non refert,) Theognosti libris inspersorum errorum excusationem vanam, quod ex aliena persona propositi essent, iure repellens. Theognostum quidem S. Athanasius scribens in illud Euangelij, *quicumque dixerit verbum contra filium hominis*, appellat priscum, admirandum, & per quam studiosum, ut propterea haud inanis sit suspicio, Photium in aliquem Theognosti adulteratum codicem incidisse. Quod tamen errorum eius libris inspersorum, (vndeunque irreperint,) ea proferretur defensio, meritissimè improbat Photius. Reuera enim hæc ieunissima planè excusatio est, & nullius iudicij hominem redolet. Sic enim Lucianum, & alios plerosque Atheos purgaremus, quod horronda, quæ in Numen euomunt, adhibita persona scurræ cuiuspiam, quem ea infamia onerant, in vulgus efferant. Nec iuxta hanc rubricam, liceret Platonis mentem è libris quos conscripsit expisciari; quod obuium semper foret, causari, non Platonis, sed personarum quas congruè decori seruiens inducit, fuisse sententiam, quæ apud Platonem legitur. Abbatem Chæremonem Cassianus collat. 13. multa disputantem inducit, pro errore tribuente quandoque homini suæ salutis initium. Et fuerunt qui Cassianum, ratione planè gemina ei, quam nunc agitamus, excusatum ab errore vellent, quod alienam nentem expressisset. Sed explosi sunt; quia, ut probè vidit S. Prosper *initio libri contra Collator.* qui alienam mentem aded studiosè & accurate proposuit, [ ostendit manifestè, eius se quam inducit per omnia probasse, ac suscepisse sententiam.] An verò qui infamiam alteri impingit sub alieno nomine, non est innoxius, & habebitur nitens, scelerisque purus, qui virtutem, qua nihil est speciosius, spurco opere in aliena persona contaminarit? Quis item Christianum ferat, pro Turcismo libros edentem, sufficienterque se purgari censem, si Saraceni, vel Apellæ recutiti nomine, hæc à se prolata excusat? Julianus Apostata, teste Nazianzeno orat. 3. cùm adhuc ementiretur Christianum, propugnabat Ethnicismum, & impugnabat Christianismum, quasi exercitationis gratia differens, & sub aliena persona. Quis hoc non est detestatus? Homo excucullatus, (proh scelus!) hac ipsa tetra vafricie, pæderastiam scelerata scriptione, quasi ex aliena persona celebrauit. Iudex qui miserum tandem à Deo in peccatis suis deprehensum capite minuit, ut eam propudiósam scriptiōnem percurrerem, & suæ innocentiae aduersus murmurantes attestarer, adegit.

Tentasse quandam aliquando Parisis, hac arte impugnare Christiana dogmata, & Iudaismum instaurare, scribit Gerſo lib. contra Romantium à Rosa. Addit autem, cum à Cancellario Parisiensis Academiæ, coram Episcopo, & frequenti cœtu, adactum esse ad palinodiam. Eo porrò excusante, locutum se esse ut Iudeum; subintulit Cancellarius: *Locutus es ut Iudeus, reuecabis ut Christianus.* Ridendum se propinavit in colloquio Poissiaco Theodorus Beza, referente, qui aderat, Francisco Balduino, cùm pressus loco potentissimo D. Augustini, quo dixit, Euangeli non crederem, nisi me Ecclesiæ

H 3 Catholice

96.

Catholicæ autoritas commoueret ; respondit , quod ipse à Caluino , Caluinus à Musculo , qui ei pro corryna erat , didicerat ; respondit inquam , Augustinum eo loco fuisse lecutum , ut Manichæum : quam caluam fatuitatem cùm audiret Petrus Martyr , qui Bezae in eo conuentu assidebat , nasum corrugauit , vt erat emunctioris natis , tametsi non melioris mentis , quām Beza . Ita refert Balduinus in response ad Bezam pag . 140 . Praiuera Beza , & huiusmodi Bambalionibus , Pelagius , quem S . Augustinus lib . 2 . Retractat . c . 33 . refert , aliquando hæresim suam , cùm nondum adoleuisset eius malitia , subdolè in scriptis suis tradidisse non ex persona sua , sed tanquam ex mente aliorum . Et S . Hieronymus sub finem epistole ad Ctesiphonten , contra Pelagium , & Pelagianos , ait , illius sectæ magistros curasse spargi errores suos per discipulos , vt tanquam non ex magistrorum nomine , ac persona locuti viderentur , si contingere eos conuinci . Itaque huius excusationis munitum undecimque rimas agit .

97.

Vt verò missas faciam alias materias , in quibus aliquando attentis circumstantiis , nequitiæ expressio , alienæ personæ nequam , & impiæ committi potest ; ( quo pæcto Dauid , & Salomon , absque culpa , negationem Numinis , & immortalitatis animæ , personis Atheorum crediderunt , non absque adiunctis quæ dictorum malignitatem probo cuius abominandam proderent : ) tamen in præsenti negotio , perinde planè est , siue ex aliena , siue ex tua persona , pudorem extermines . Vtique enim modo , idem planè sequitur peruersus effectus ; concitatio nimirum libidinis , & imputorum ignium inflammatio , quæ ex tali lectiōne proficiscitur , quicumque tandem sint , qui loquentes referantur ; quia æquè excitantur cogitationes , quibus fomes intrinsecus , luxuriæ flammam concipiatur . Imò turpitudo personæ cui committuntur hæ obscœnitates , non parum promouet nequitiæ negotium , augētque impudiciæ illecebram .

*Contra excusationem ex admisiſis ſpurciloquio , plerisque bonis .*

98.

Postremum impuritatis munitum , quo Robertus Titius prelect . 2 . in Catullum , omnibus illius , ac similiūm obscœnorum scriptorum ſpurciloquiis , patrocinium quæsiuit , ex eo petitur , quod pleraque bona , nec raro etiam pia , contineantur libris obscœnis . Sed hoc disiectum est ſuprà , in simili pro libris hæreticis excusatione ; & rectè in illud intorqueas , quod à S . Gregorio scriptum est lib . 1 . Moral . cap . 2 . [ quia nonnulli ſic bona quædam faciunt , vt tamen à quibusdam malis minimè ſuspendantur ; benè postquam timens Deum dicitur , recedens quoque à malo perhibetur . Scriptum quippè eſt , Declina à malo , & fac bonum . Neque enim bona accepta ſunt , quæ ante eius oculos malorum admixtione maculantur . Hinc namque per Salomonem dicitur : Qui in uno offendit , multa bona perdet . Hinc Iacobus obteſtatur , dicens , qui cumque totam legem ſeruauerit , offendat autem in uno , factus eſt omnium reus . Hinc Paulus ait , modicum fermentum totam massam corrumpit . Valet hīc quoque illud Augustini in Psalm . 63 . ad illud , ſcrutantes ſcrutinio . [ simulata æquitas , duplex iniquitas ; ] verè enim pietas & bonitas hæc , non niſi ad calicem illinendam , & ſimplices ludificandos , adhibetur .

Hic

Hæc verò impudorata consociatio pietatis cum impuritate, auersanda est, iisdem propè vocibus, quibus Ennodius *declam.* 12. exagitauit absurdissimum factum eius, qui Mineruæ virginis statuam in Lukanari cum Venere collocauit. Sic enim in eum ferratæ dictionis securæ stringit. [Percipite, quæso, animis, & interna æstimatione tractate, qualis sit, qui & virginitatis oculos, & lukanaris secreta violauit; & in vtroque sacrilegus, nec flagitiâ veneratur, quibus inimicam testem adhibuit, & castitatis profligat ruborem, quam indignis adsoiat. Expostulo à te, humani generis ostentum, qui leuitatem tuam ad Mineruæ simulachrum, religionis cultus adduxerit, dum integratatis hostem, illata de loci fœditate monstret iniuria, nec reuerentiam te exhibere venereæ pollutioni clamat publicata corruptio.]

Et mox. [Fecisti religione tua acerbius, quod delinquis. Res summo digna piaculo, miscere discordantia, & in vnum colligere, quibus nisi secteturum præstiteris, contumelias irrogasti. Creditis inueniri hominem de hac mundi gemina conuersatione neutrum tenentem, & nec amicum virtutibus existere, nec fidum vitiis inueniri?] Rursus paulo post: [Odi, principes viri, morum suorum remissos iudices; condemnno qui per negligentiam serenorum actuum in dubium trahuntur. Execrabilis tamen detestor, qui in vtroque deprehensi, nulli exhibent stabilem conscientiam. Pollicentur enim pœnitentis tempore honestatis affectum, quos fidem videris exhibere peccatis.] Tandem inferius, [Vnius oblatio Numinis, alteri dabit iniuriam. Nam dum per prouidentiam tuam, simplex puluinar gemina superorum potestas obtinuit, & in vna æde pudor & luxuria conuenit, neutrius deuotionem nostram fauor aspicet, quos tu habitatione miscuisti.]

Hæc, & alia, quæ in illam infamem Mineruæ ac Veneris consociationem, toroso, ac masculo dictionis genere fundit Ennodius; in hanc ipsam, de qua agimus, obscenitatem, & pietatis in eodem libro mixturam, æquè transferantur. Scitè Gerso p. 4. tract. qui inscribitur, *Responso ad scripta cuiusdam errantis de innocentia puerili*; ait, huiusmodi scripti genus impuritate, & sanctitate permistum, (in quod meritò conclamat,) esse brodum *Alemanum.*

Non possumus autem hanc pietatis adumbratam coniunctionem non detestari, qui norimus, Magos etiam improbissimos, istiusmodi inelle illinere venenata pocula; & scriptis, Dæmonum horrenda commercia tractantibus, ac ipsis quoque Dæmonum aduocationibus nefandissimis, sacrum aliquid, & p'um; semper ex Scriptura, aut ex Christianis ritibus intexere: quod æquè seruat ab ipso Dæmone Christum tentante, prodit S. Matthæus, & nobilè in perpetuò seruare, fascinatione nugacitatis obscurantem bona, nemo non experitur. Hac ipsa projectissima atque maleficij plenissima machinatione, M. humetes, turpissimis, & fœdissimis legibus, immiscuit quædam laude d'na, de commendatione orationis, & operum misericordiæ, ut scribit Petrus Cluniac. *epist. contra Alcoranum.* Item simili malignitate Julianus Apostata in fragmento longo nuper edito; inter celebrandum idolatriam, admiscet commendationem curæ pauperum, & peregrinorum, nonnullorumque similium honestorum operum. Hæreticos in hac bonorum cum malis intermissione, perpetuos esse, admonent grauissimi Patres; sed pulchre S. Greg. *s. mor. c. 11.* verbis.

verbis illis, [Habent hoc hæretici proprium, ut malis bona permisceant, quatenus faciē sensui audientis illudant. Si enim semper prava dicōrent, ci-  
tius in sua prauitate cogniti, quod vellent minimè persuaderent. Rursum, si  
semper recta sentirent, profectō hæretici non fūissent. Sed dum fallendi arte  
ad vtraque deseruiunt, & ex malis bona inficiunt, & ex bonis mala, vt reci-  
piantur, abscondunt: sicut qui veneni poculum porrigit, ora poculi, dulce-  
dine mellis tangit: dūmque hoc quod dulce est, primo attactu delibatur, etiam  
illud quod est mortiferum, indubitanter absorbetur. Itaque hæretici permis-  
cent recta peruersis, ut ostendendo bona, auditores ad se trahant, & exhiben-  
do mala, latenti eos peste corrumpant: ] In eandem sententiam, præclarè dis-  
crit idem sanctus Pontifex 7. *Moral. cap. 21.*

De Manichæis sic scribit S. August. 3. *confess. cap. 6.* [ Incidi in homines  
superbè delirantes, & carnales nimis, & loquaces; in quorum ore laquei  
Diaboli, & viscum confectum commixtione syllabarum nominis tui; sed &  
nominis Iesu Christi, & Paracleti consolatoris Spiritus sancti. Hæc enim  
omnia non recedebant de ore eorum, sed sono tenus, & strepitu linguae: cæte-  
rū cor inane veri. Et dicebant *veritas, & veritas,* & multi eam dicebant mihi,  
& nusquam erat in eis, sed falsa loquebantur. ]

101. Esse hunc perpetuum morem hæreticorum omnium, S. Irenæus allegato  
anteriore quodam Patre, scitè dixit lib. 3. *contra hæres. cap. 19.* dicens, hoc esse  
laeti gypsum immittere, ut securius noceat. Sanè nullos esse perniciosiores, &  
magis extimescendos hæreticos, quām qui ob permissionem dolosam bono-  
rum, & confessionem in multis cum Catholicis, apparent minùs ertare, docet  
grauiiter S. Ambrosius lib. *unico de fide contra Arrianos cap. 1.* Hinc liquere  
puto, quām vanum, & inane sit perfugium eorum, qui libris obscœnis in-  
columitatē postulant, ob aliquam admixtionem bonorum. [ Non aliud hoc  
esse quām canticum Domini canere in terra aliena, perspicue habetur ex iis  
quæ disputat S. Hilarius in *Psal. 136. ad vers. 4.* Hoc planè est, osculando fe-  
rire, amplexando occidere, ut proditorie à Ioabo factum. Hoc planè est, ve-  
nenum in melle absconditum porrigere, solemini venenariorum more. Nam,  
vt benè admonuit Tertullianus lib. *de spectac. cap. 27.* agens de quorundam  
honestorum admissione cum turpitudinibus theatri; [ Nemo venenum tempe-  
rat felle, & ellebroto; sed conditis pulmentis & benè saporatis, & plurimū  
dulcibus id mali iniicit. Ita & Diabolus, lethale quo conficit, rebus Dei gra-  
tissimis, & acceptissimis imbuit: omnia illic seu fortia, seu honesta, seu so-  
nora, seu canora, seu subtilia, proinde habe, ac si stillicidia mellis de liba-  
cunculo venenato. ]

102. Hoc est calcem contritam farinæ admiscere, vt edentes perdat incautos:  
quod nequiter factum à Græcis contra Latinos Saracenorum impugnatores,  
obseruat Baron. anno 1147. num. 3. Quod si iuxta Ennodium *decl. 6.* [ nemo  
cautiùs malus est, quām qui absconditur sub appellatione pietatis; tutum est  
iniquitatis exercitium, quod honestatis tegitur indumento: ] liquere profectō  
potest, quid hac aliquali admissione bonitatis cum obscœnitatis quæratur:  
nimis ut nocentior sit veneni vis, à qua minùs timetur. Non potuit hac  
arte tegi Artius. Iam olim scripsérat librum Arius obscœnissimum, Sotadis  
imitatione, vt meminit S. Athanasius *initio orationis secunda contra Arrianos;*  
quām

quam tamen conatus sit, illam turpitudinem interstitis sacris sententiis obteneret, audi *ibidem paulo post S. Athanasium.* [ Relictis Christi eloquiis, *Sæcias Arrij*, hoc est, crapulas titulo nouæ sapientiae cohonestant. Ac bono iure eum titulum usurpant; nouam enim hæresim annunciant. Quapropter non sine admiratione est, nusquam in multis multorum operibus, & sermonibus tum in vetus, tum in nouum Testamentum conscriptis, inter titulos librorum, *Sæcias*, hoc est, *crapularum*, nomen reperiri. Imò ne apud Ethnicos quidem frugi, & temperantes; sed apud istos duntaxat, qui istiusmodi res inter pocula ad risum captandum, per plausum, iocum, lasciuiamque decantant. At eximius ille Arrius, quem aut nihil sanctum, aut graue imitandum desumeret, securus negligensque istiusmodi probitatis, depeculatis aliorum hæresibus, æmulum se in ridiculis vni Sotadæ præbuit. Quid enim aliud congruum illi, qui Christo Saluatori choreis suis insultare voluit, quam ut miseras diætiunculas impietatis suæ metris dissolutoribus & elumbationibus insonareret, vt quemadmodum sapientia loquitur, *ex eloquio verborum, cognoscitur vir*; ita quoque ex illis Sotadicis numeris, animi eius effeminatio, & mentis putrilago deprehendatur. Nam tametsi subinde, serpentis more sutsum, deorsumque se voluat; non tamen effugere potuit, vt non caderet in errorem Phariseorum. Quemadmodum enim illi quum legem præuaricari vellent, legis tamen verba prætendebant; & cum eius animi essent, vt expectatum haec tenus, & iam præsentem Dominum abnegarent, Deum quidem in ore habebant, ipsum tamen blasphemare deprehenderentur, quum his vocibus vtebantur, *Cur tu homo quum sis, Deum te facis?* Et dicit: *Ego & Pater unum sumus.* Ita quoque fucatus & Sotadicus Arrius, simulat se quidem, de Deo loqui, quum interponat verba sacrarum literarum; deprehenditur tamen vnde cumque Atheus, dum filium negat, & illum rebus conditis adnumerat. Tale igitur exordium crapularum Arrij, & vaniloquentiæ, moribus numerisque effeminatum inuenias.]

Obsigno hanc perfugij impunitatis postremi dissectionem, in primis aureo Gersonis pronunciato *lib. contra Romantium.* [ Doctrina mala, eo peior est, quo plus boni continet.] Deinde perillustri loco Origenis *hom. 13. in Num. ante medium*, agentis de Basan; sic enim scribit: [ Basan interpretatur *turpitudo*. Meritò ergo, nec legati mittuntur ad istam gentem, nec transitus per terram eius poscitur. Nullus enim nobis transitus debet esse, nullus accessus ad turpitudinem; sed ab initio statim expugnanda, & omnimodè cauenda est. Og autem, qui Rex dicitur esse Basan, *intercluso* interpretatur. Potest hic figuram tenere omnium carnalium, & materialium rerum, quarum amore, & desiderio detenta anima, excluditur, & separatur à Deo. Aduersus Og ergo, ita præcipitur bellum gerendum, vt non relinquatis, ( inquit, ) ex eo viuentem. Nullum enim à filiis Israël oportet relinqui in regno turpitudinis, & dedecoris, viuentem. Sed & decet Ismaëliticam virtutem excidere, & reficare turpia; & piæ quæque in anima redificare, atque honesta, & religiosa plantare. De regno Seon non est scriptum, vt nullus viuus relinquatur, nec de regno Moab. Fortè enim ex illis opus habemus aliquibus, & nonnullis eorum pro vitæ huius agonibus, & exercitiis indi-

I gemitus;

gemus; alioquin debuissemus de hoc mundo exire. De Basan tamen, hoc est, de turpitudine, nullo penitus indigemus; nihil ex ea relinquamus; excienda omnia, cuncta subvertenda sunt opera turpitudinis. In nullo enim potest honestum esse, quod turpe est.] Seon exposuerat, alias disciplinas noxias, hom. 12.

*Quæ nuper preterea, unus, & alter sectarius pro  
obscenorum scriptorum indemnitate  
protulit, euertuntur.*

104. Nihil ergo pro retinendis obscœnis scriptis prolatum est apud Gersonem, quod sufficienter non sit euersum; vix verò alia postea sunt prolatæ. Addensat quidem alia multa cap. 2. *Prolegom. in Petronium*, Theodorus de Iuges, Calvinista: sed tam frigida, tamque iejuna, ut nihil frigidius, nihil iejunius. Summa est: [In Petronio, & in autoribus similis farinæ, nominatimque Terentio & Martiale, (ob quos ex parte truncatos, Iesuitis conuictia petulantissimè ingerit;) in his, inquam, autoribus integris, & non truncatis, proponi speculum fœditatum nostrarum, quos refugiamus; nec debere nobis horrore esse, spectare quod sumus. Multo peiora patrati quotidie, quam apud hos legantur. Etiam Apostolum in fronte epistolarum, horrendas Gentilium spurcitas, chartis illiuissé. Frates Prædicatores Concilio habito edixisse, debere Concionatores de præposterioris, & infamibus naturæ ipsius per libidinem violationibus, agere ad populum; etiamsi reperiantur in concione plerique innocentes.] Sic ille.

Verum speculum quod sectarius lectoribus in huiusmodi librīs ait proponi, simile est speculo per muliebres spurcitas fœdato, à quo cauendum, ni virus trahere per oculos velis. Quod fœda & fœdiora perpetrentur indies, videtur ipse qui hoc opponit, si sibi conscius est. Sed qui hoc ad illecebrositatem harum scriptiorum retinendam, & inescandos mortales, ut similia, vel etiam terriora patrare ament? Apostolum summa cum detestatione obiter attingentem nefanda Gentilium opera, (quo exemplo suum de turpibus sermonem excusat Sarisber. 3. *Polyerg. cap. 13.*) & Concionatores sobrie, ac prudenter, (magna enim hic dexteritate tractatoris, & parcitate opus;) eadem scelerum culmina, vbi feruerent, exagitantes, trahere ad patrocinium spurcioij affectati & caprati, hominis est nullo iudicio arripientis, quæcumque furor arma ministrat, tantum ne elinguis videatur.

105. Haudquaquam verecundiū Melchior Goldastus in *Prolegomenis ad Petronium Arbitrum cap. 2.* vt spurcissimum illum scriptorem integrum, & indemnem seruari suaderet, disputauit vniuersè pro indemnitate obscœnorum librorum, quos vult quidem pueris non prælegi in scholis, ab aliis autem vult impunè tractari, & studiosè legi, dimisso timore obscœnitatis qua fordan. Non esse quidem huiuscmodi libros pueris prælegendos in scholis, probat Goldastus ex D. Augustino lib. 1. *confess. cap. 16.* & ex Concilio Tridentino, cuius interdictum, ait hoc tantum pertinere: confirmatque ex Edmundo, Richerio Theologo Parisiensi in *obsterrice animorum cap. 4. num. 4.* qui contendens, spurcos scriptores emungendos esse, non mutilandos; mundandos;

B93

non euitandos , velandos , non castrandos , emunctionem , mundationem , velationem , accipit de negato ad pueris interpretandum , vnu eorum ; tametsi viris salui sint ad legendum , vt , ( inquit , ) à Concilio Tridentino est sanctissimè constitutum . Huius grauissimi , ( scilicet , ) Theologi autoritate , communis Goldastus quod assumpsit ; non esse quidem libros obscenos pueris in schola prælegendos ; viris tamen eorum lectionem esse concedendam . Et obiciens sibi contrarium sensum Theodori Bezae *præfatione ad Homil. de Resurr. Dom.* ad Belgij Ordines , qua sugillati fuerant Scaliger & Douza , quorum ille Petronium , ille amatorios Poëtas illustrarat notis ; reponit Bezae Goldastus , non fuisse ullum inter scriptores Martialis spurciorem : quem tamen Beza *mel merum* dicere solitus eset , & perpetuò teneret manibus , ac studiosissimè exprimeret , teste Raphaële Eglino *prafat. ad selecta Catulli carmina* . Poterat præterea Bezae propudiosas suas scriptiones inuercundissimè euulgatas , in faciem ingerere . Cætera quæ Goldastus ad stabiliendam distinctionem illam suam adducit , illa ipsa sunt , quæ ex alio sectario iam protulimus : multo scilicet tertiiora fieri , audiriq[ue] in dies , quām sint ea , quibus obscenorum & quorumcumque scriptorum libri sordere dicuntur , ne Petronio quidem excepto , quem execrabilis Neronis tunc imperantis libidines traducentem atque carpentem , iniuria diuexari contendit . Eadēaque ex causa , vel Monachis Cassianis Petronium exsecantibus , denunciat Iacobus Durantius Cafellius lib. 1. variar. lebt. cap. 5. Nec dissimiliter Laurentius Ramires ad *Martialis Amphit. epigr. 25.*

Valet tamen aduersus hanc frigidissimam turpitudinis propugnationem , quod S. Ambrosius dixit contra virgines Diaboli , quæ in minuscula ætate studebant pudicitia , salua libertate vt essent impudicae anus . Quis ergo non videt , illecebrositatem turpium librorum , declinandam esse viris quoque , si velint , ( vt sanè velle debent , ) nitente seruare vestem animæ , & non inquinari attrectatione cœni foedarum huiuscmodi scriptionum ? Ignis Babylo-nicus non est restinctus in viris , imò in eis feruet ardētque vberius . Itaque non est conspergendum hac naphtha , & pice . Nec si Iustus Lipsius lib. 3. *epistolic. qq. epist. 2.* negat se offendii huiusmodi lectione , audiendus est . [ Urbanitate , ( inquit , ) capiōr , iocis delector : cætera , nec in animo , nec in moribus meis magis labem relinquunt , quām olim in flumine vestigium , cymba . Ut vina apposita , vinosum mouent , inuinium non mouent ; sic ista animum iam ante improbum fortasse incident ; casto & castigato , non adhærent . Imò adhærent ; & experti , sapè doluerunt , refricari inde iam obducta vulnera . Ac vt contingere , frigore , & marcote naturæ , non refricari aliquando ; tam ex rei natura ita contingit : & stultus est qui periculum amat , iure in illo periturus . Scio apud Hebræos , nonnullæ lectionis illecebrosæ pueris , & adolescentibus negata , quæ viris concedebantur , post annum ætatis 25. vt ait Nazianzenus *orat. 1.* vel vt ait S. Hieronymus *præfatione in Ezech.* post annum 30. Eiusmodi erat principium Geneseos , & Canticum Canticorum . Hoc tamen nihil iuuat librorum aperte turpium , & obscenitate manifesta infamium lectionem per viros , qui vitam Christianis dignam viuere velint .

Nolo dissimulare , mitum videri non posse , quod hi Caluini gregales , 106.  
I 2 spurcorum

spurcorum librorum patrocinium suscepereint: obstricti quippe ad hoc videntur suorum Pontificum, (scilicet, ) exemplo. Nam primus Genevensis lustri Poppa, terti sceleris quod vel efferre labiis pollutionem inferat, compertus, dorso liliato stigmata nefandissimæ vitæ circumtulit; eius verò successor Theodorus Beza suas fandas, atque nefandas spurcitias, etiam expressis *candidæ alienæ mulieris*, & Audeberti *Cynædi* nominibus, effrontissimè illuit chartis. Digni sanè tubicines Euangelij, quos Spiritus afflauerit, sed dæmoniacus, qui semper impurus; ille ipse, qui Arrium ad inferendam Ecclesiæ vastitatem excitauit, cum aliis impudicitia pellaciis instructum, mulierularum præsertim imputatum sermonibus, vt S. Alexander apud Theodoreum 1. *histor. cap. 4.* admonuit: tum etiam infamis metri operis editione, cui nomen *Thalia*, hoc est, *crapula*. Sic enim eam vocem exposuit S. Athanasius *orat. 2. contra Arrian.* & valde detestatur Arrius nequitiam, qui eo opere exprimentum suscepisset turpissimum omnium Poëtam Sotadem, cuius opus *Cynædi* lingua Ionica exaratum, memorat Suidas; & fuisse omnispurcitæ camarinam, omnes æquè consentiunt. Martialem, cæteroquin impuræ scriptioñis infamia flagrantem, puduit nequitia Sotadis, vt liquet ex illis ad *Classicum lib. 2.*

*Quod nec carmine glorior supino;  
Nec retro lego Sotadem cynædum,  
Non sum Classice, tam malus Poëta.*

En obsœnissimum Sotaden; præ quo Martialis pudicus. Impuros eius sales, quibus sibi à Philadelpho Rege, diuturnum arcessivit in carcere pædorem, memorat Plutarchus *lib. de liberis instituendis*. Et fuisse à Dæmonio inselsum, scribit Suidas. Huius ergo impurissimi Poëtastræ expressionem, eo opere, quo blasphemiam suam maximè disseminavit, suscepit spurculoquus Arrius, D. Athanasio teste, cùm loco annotato, tum in opere pro Dionysio Alexandrino. Nihil igitur nouum, Caluinistas. Arrio, hosti Ecclesiæ atrocissimo succenturiatos, & arietum, capitorumve gregis sui ducum, spurcissimis factis ac scriptis imbutos, obsœnæ scriptoribus adesse patronos.

*Aptissima obscœnorum librorum Bibliotheca, caminus.*

107.

Quare concluditur, apodicticè omnino, ac certò, nullam esse dignitatem pro huiusmodi libris bibliothecam, quam struem lignorum, cui ignis admoueat. Hoc non modò de quotidianis huiusmodi scriptioñibus verum est, sed etiam de illis antiquis, quæ in turpibus sunt frequentes. In quo ordine Catullum, Tibullum, Terentium, Propertiumque collocat Alphonsus de Castro *lib. 3. de insta heret. punit. cap. 9.* quos libros ex omni orbe exterminatos cupit, ita vt à nemine legi possint. Miror cur non potius Martialem, & Petronium retulerit in hanc classem; aut certè Iuuenalem, de quo ita Scaliger *lib. 3. Poët. cap. 98.* [Si quis aliena peccata infectetur, ea modestia vtatur, ne suum librum efficiat eo nequiorem, de quo verba facit. Quid enim terius quibusdam versibus Iuuenalis; propter quorum insolentiam, vel iusserim, vel optarim, toto opere abstinere virum bonum?

Conuenient

Conuenientissima igitur obsecenis libris bibliotheca , caminus est , aut rogus , vt à septuagenario resipiscente factum , scribit Ioannes Bonifacius lib. 1. de sapiente fructuoso , epist. 3. in fine , eum quippe dena amatoriorum suorum carminum millia , Vulcano sacrasse , autor est . Atque utinam renouarent Euangelij præcones institutum sanctum , & nunquam satis commendandum , quod se puer in patria sua seruatum à piis , & doctis Concionatoribus , testatur Catharinus opusc. de libris malis exterminandis . Strenuè illi & feruenter agebant apud populum , vt libros lascios , publicè in struices cogerent , quibus confectis ignem subiiciebant , in holocaustum acceptabile Deo , & Angelis suauissimam incensionem . Hoc si fieret identidem , auerteretur præsentissima hæc animorum pestis , cui æquè ac ad corporum pestem amoliendam , nihil accommodatius igne luculento , quo aéri permistæ virulentæ fuligines , ac venenati vapores absumentur .

Sed quid in cassum vota fundimus , expertentes cremari hæc Veneris instrumenta , quibus nihil est in cimeliis impudicitæ ad dementandos mortales , & in vesaniam turpis amoris abducendos accommodatius ? Utinam saltem patronis , ac defensoribus destituerentur . Utinam non essent in iis , qui se Christianos dicunt , qui peccatum suum sicut Sodoma prædicarent , eisque agnitus vultus illorum responderet , cum tam derestandis , tamque abominandis scriptis , non clanculum , vel per cuniculos , sed palam , ac aperte bucinatores , ac panegyrists accurrunt . Vidimus sane non semel , in quos meritissimò intorqueas ea , quibus Gerso laudato sèpiùs libello contra Ioannis Meldunensis Romantium à Rosa , conclamat in eius patronos , qui non pauci erant , nec minuti , quamvis esset liber spurcissimus ac fœtentissimus . [ O Deus ! ô Sancti ! ô Sanctæ ! ô deuota Christianæ Religionis curia ! ô præsentis temporis mores ! Inter Paganos , Paganus iudex & incredulus , Paganum condemnat , quia doctrinam scribit , quæ ad fatuum alliciebat amorem ; & inter Christianos , & per Christianos , tale , aut peius opus sustinetur , laudatur , defenditur ; reuera nequaquam satis rei huius indignitatem , & horrorem exprimere possum . Verba me deficiunt in ipsius reprobatione . ]

### *Amadisij , libris obsecnis accensendi.*

Quod verò non est prætermittendum , agebat Gerso de eo genere impurorum librorum , quod plerique specie auocandi à grauioribus curis animi , innoxium dueunt , nempe de Romantio . Cuius etiam generis sunt libri illi , quos passim vocant *Amadisios* ; fabulæ , inquam , impudicitatibus perspersæ , vt procliuīs subeant animos . Fabulas dico ; deliravit enim unus , nescio quis . apud Canum 11. de locis , cap. 6. qui *Amadisios* , veras historias esse censuit , eo bello arguento , quod essent libri typis editi : nihil quippe typis mandatum , inter commenta esse recensendum , rupex iste arbitrabatur . Quo stupore , veras Luciani historias , & Aësopi narrationes è commentorum serie expungeret Bambalio ille . Has ergo fabulas , quæ *Amadisiorum* titulo circumferuntur , proscribendas eodem fundamento esse ,

I 3 quo

108.

109.

quo Rowantium à Rosa proscriptum voluit Gerso; quia nimis per ea narrationum figura, cùm verbis, tum factis, obscenitas in animorum existim infunditur, ita ut tradunt Petrus à Nauarra lib.2. de restit. cap.2. à num.7. & Franc. Ribera lib.1. de vita S. Teresiae cap.5. ac in cap.1. Micheæ num.60. Quin etiam, ut ex hostibus quoque proficiamus veritati, differit in hanc rem ex lectariis, copiosè, nec inefficaciter à Nua dissertatione 6. Vir doctissimus Ludouicus Viues lib.2. de corruptis disciplinis, in ipso fine, sic pronunciat de his libris, postquam eos dixit esse aperte mendaces, & metis nugis refertos, legi tamen propter aliquod styli lenocinium. [ Libri sunt ab hominibus otiosis conficti, pleni eo mendaciorum genere, quod nec ad sciendum quicquam conferat, nec ad benè vel sentiendum de rebus, vel viuendum; tantum ad inanem quandam & præsentem titillationem voluptatis; quos legunt tamen homines corruptis ingenii ab otio, atque indulgentia quadam sui, non aliter, quam delicati quidam stomachi, & quibus plurimum est indulsum, sacchareis modò & melleis quibusdam conditur sustentantur, cibum omnem solidum respuentes.] Ita de Amadis & similibus libris Viues. Grauitur insuper in hæc scripta excandescens lib.1. de Christ. fæm. institut. Et consentiant periti, ac probi quique, ut mirum mihi profectò visum sit, quod Michaël Medina lib.2. paren. cap.3. post laudatam ex Quintiliano eorum scribendi rationem, qui figura admiscent narrationibus ex parte veris, subdat. [ In eo genere etiam reponenda videntur ingentia illa, ac multa volumina, *Morgana, Mellusina, Margolana, Virginis Theodora, Tyrantis, Conamori, Tristani, Floriselli, Niquei, Dietheri, Lanceloti, Amadisi*, tum Gaulensis, tum Græci, Esplandiani, Regerij Græci, Agesilai, Lisiuartis, quæ per Hispaniam, Galliam, Italiam, Germaniam, & Angliam, à nostris, in iuuentutis præsertim generosæ institutionem, sunt edita. Quæ tamen haud magis mihi reprehendenda videntur, quam Aristophanis, Sophoclis, Euripidis, Ennij, Plauti, & Terentij tragœdiæ, aut comœdiæ: quas tamen dum cuiusque ætatis affectus, dumque rerum humanarum exitus lepidè ac quasi per lusum animis iuuentutis instillant, non modò non reprehensas, sed summo fauore ab omnibus Rebuspublicis, ac viris probis, & sapientibus, suscepas videamus.] Sic Medina, cui sanè suffragator non accedam.

## EROTEMA VIII.

## Famosi libri, an feriendi.

110. **O**mni iure, & antiquo, & nouo, & sacro, & civili, decernuntur consigendi libri famosi, qui tamen verè famosi sint. Nam satyræ, licet sint scripta vulnifica, ut loquitur Rutilius lib.1. *'Itinerarij agens de Lucilli cuiusdam scriptis*; quia generatim tantum feriunt vitia, non reprehenduntur, dummodò prudens sit impeditio vitij. Quin etiam, ut idem Rutilius canit, fructuosa est Satyræ conscriptio, & vulgatio. Nam

Institut